

書

夷白齋稿合四百五十四篇通奉大夫內史臨海陳先生所  
著良既訪之先生盡得其藁而編次之以為三十五卷而復  
序其篇目曰世道有升降風氣有盛衰而文運隨之故自周  
衰聖人之遺言既熄諸子雜家並起而汨亂之漢興董生司  
馬遷楊雄劉向之徒出而斯文始近於古迨其後也曹劉沈  
謝之刻鏤王楊盧駱之織艷又靡然于當時至唐之世而昌  
黎韓子以道德仁義之言起而麾之然後斯文幾于漢柰何  
元氣僅還而剝喪戕賊復浸淫于五代之陋直至宋之劉楊  
猶務抽青媲白錯綺交繡以自衒後七十餘年廬陵歐陽氏  
又起而麾之而天下文章復侔于漢唐之盛未幾歐志弗克  
遂伸學者又習于當時之所謂經義者分裂牽綴氣日以卑



而南渡之末卒至經學文藝判為專門士風頽敝于科舉之業而宋遂亡矣文運隨時而高下槩可見已我朝輿地之廣曠古所未有學士大夫乘其雄渾之氣以為文者固未易以一二數然自天曆以來擅名于海內惟蜀群虞公豫章揭公金華柳公黃公而已蓋方是時祖宗以深仁厚澤涵養天下垂五六十年而戴白之老童兒幼穉相與鼓舞于里巷之間晏然無以異于漢唐宋之盛時故一時作者率皆涵淳茹和以鳴太平之鴻休其摘詞則擬諸漢唐說理則本諸宋儒而學問則優游于周之末衰學者咸宗尚之並稱之曰虞揭柳黃而本朝之盛極矣繼是而起以文名家者猶不下數人如莆田陳公之俊邁則有得于虞公新安程公之古潔

則有得于揭公臨川危公之浩博則又兼得夫四公之長者郁之彬之何可及哉近年以來獨危公立幟詞壇自餘數公常想見其丰采習聞其聲歎邈然其不可接者久矣于是淪沒殆盡而得先生以紹其聲光先生黃公之高第弟子嘗負其所有遡長江游吳中久之自吳逾淮沂黃河而北達于燕趙留輦轂之下久之于時雖未有所遇然自京師及四方之士無論識與不識見其文者莫不稱美之不置則其得之黃公者深矣豈惟黃公蓋自虞揭而下數公亦皆得而師友之故其為文雍容紆徐如冠冕佩玉周旋堂陛之上馳騁搢縱又如風雲地鳥按行于陣伍之間而音節曲折則與前之數公如出一律也後由京師還吳中居無何我吳王聞其學

即以樞府都事起于家不數年間遂以屢遷而長其省幕其後調太尉府叅軍由叅軍陞內史迹愈顯而文愈工國家之制作及四方之求之者皆隨手應之蓋沛乎其無窮矣夫自周衰以來至于今幾二千載其閱世非不遠也歷年非不久也能言之士非不多也斯文能自振拔以追于古者惟漢唐宋及我朝此四世而已而四世之中士之卓々可稱述者又常不過數人焉何才之不數出而人之難得若是哉于此有人焉能以卓々可稱者自期待又幸遭逢于時而得大肆其作世其可不為之貴重之歟良于先生之文讀之累月曾莫有所去取于其間雖片言半幅咸取而錄之者所以明先生于一字之微皆可為斯世之貴重也先生為人溫良慈

惠其從政寬易愛人與人交于恩義最篤雖遇臧獲亦未嘗疾言遽色平居蓋雍々如也若先生非所謂有德有言者耶夫誦其詩讀其書不知其人可乎故予序先生之文而併及大要可紀者如此先生名基字敬初夷白齋乃其自號也故以題其藁云至正二十有四年歲在甲辰夏五月朔旦同門生金華戴良書

夷白齋藁目錄

卷之一

賦

別知賦送王子充

蟬賦

樂府

白鴈操

鴻鵠操

崇丘寄倪元鎮

山高寄陸玄素

春草辭為延陵華彦清作

鴈孤飛為徐夫人作  
慈烏曲為仲說作

臨海 陳基 著

金華 戴良 編

黃雀行

鷄鳧行

白頭公辭

刈草行

新城行

見月行

裁衣曲

征夫嘆

征婦怨

邊城曲

卷之二

古詩四言

九日壽沈母

西村之墅美德方甫

古詩五言

秋懷七首

讀國語二首

詠史三首

懷美人次韻答友人

待王子充不至

夏日喜友見訪

投贈同志

次韻呂彥真

分省與同幕諸君小集

海南書隱為上虞俞氏賦

夏日齋居用蔡都事彥文韻

分省早集懷錢員外蔡都事湯管勾

樓居

彥文點兵餘杭富陽新城道

上賦詩見示因次韻四首

分署望鳳凰山

次韻彥文古詩三首

西堂對雨

池上

對菊

送邵同知分韻得來字

次韵沈仲說荅蔣子中昭山水便面詩

卷之三

古詩五言

發吳門

狼山

如臯縣

爛泥洪

上樂

務子角

寶應縣

淮安

大江

通州

海安

泰州

令丁鎮

高郵

送老嫗語

九日從陳醫師所寓得甘井

傷菊

卷之四

古詩五言

公退述懷

次韵荅趙本初

聽歌水調有感

下塘道中

塘西

南潯

中塘道中

東塘

成夫脩所居屋成走筆戲贈

海安過揀得風出爛泥洪

翠雨亭

謝村

東阡

荷葉浦

鳳口

大麻

包家堰

上塘道中

尹山

吳江

垂虹橋

平望

嘉禾

石門

崇德

長安

題蘇昌齡西澗詩意圖，乃黃子久所畫子久自識  
云華陽逋客  
題黃侍講所著王友樵先生  
墓銘後

卷之五

古詩七言

楚州舊將詞

東臯隱者詩為范思賢作

次韻玉山倡和詩  
次韻垂虹橋泊舟倡和

分題賦得太湖送鄭同夫

送毛生歸越

織錦篇

青絲絡馬頭送李彥章

送李景先錄判

謝從義叅軍自京師還言中書危叅政見問且詩無

書因述詩寄謝

孟東觀淮水

鄭遂昌以趙魏公所題高尚書畫遺沈東林要予賦

詩  
題五王游春圖

題馬都事壽椿堂

卷之六



古詩雜言

沈孝子行送醫師沈伯新

煇雪窩為玉山作 我今有所思寄于山人

空明山人歌 烏夜啼引

玉笙引

律詩五言

興福院會秦文仲文學古二首

送謝叅軍 次韵荅高元善

送錫治中 癸卯二月十二日常熟阻雨

寄吳門分省同官 渠川懷古

十六日解維值北風大作復泊北門

二十一日渡江 三塔寺訪寬老  
訪本覺欲長老不遇時欲公在南堂退居留別仲銘  
二首 送姪讓從軍武安二首

卷之七

律詩七言

秋日雜興六首 寄沈仲說二首

次韵金上人見詒 寄家兄敬德

次韵呂彥貞西園同游

歸燕 秋日雜興作游仙詩五首

寄玉山 次韵鄭遂昌奉謁范魏公祠

白芙蓉 次韵錢伯英咏白芙蓉

婁江即事二首

次韻仲說喜陳叔方過東林

隱居二首

次韻鄭遂昌喜雪二首簡白

野監司

送曾宗爰

次韻懷彥成

次韻待畸上人不至

次韻懷玉山

陸氏別業

寄仲說

寄玉山二首

水木清華亭小酌

仲說留陳公原余往訪之

留宿陳公原

題公原仲說所居壁

卷之八

律詩七言

次韻陳有道喜王季野府判南歸二首

次韻伯行投贈沈存齋

三用韻喜季野歸

寄季野

次韻劉德方經歷

送徐勉之慈湖書院山長

送錢士能建昌知州

送王壽歸閩

次韻荅文仲二首

婁江雜興二首

與文學古秦文仲游至正觀

次韻荅文仲郭義仲聯句見寄

次韻錢都事誠夫海上書事

送誠夫使吳門督漕兼寄分院同幕諸公

春日印氏園池

送胡宣使赴都進表

送高起文歸越兼柬陳伯昂王彥強二首

寄楊文舉經歷

寄顧仲贄

次韻謝總管送梅州判還崑山

次韻謝戾書懷

十一月晦與同幕諸公登南

高峯因過湖上小集賦詩二首

正月五日省院諸公飲吳南城

泊舟垂虹橋訪南北兩山寺戾蔡都彥文

次韻彥文寄謝省院諸公二首

次韻孟天偉郎中看潮十首

卷之九

律詩七言

次韻高元善郎中見寄律詩二首

元善嘗俾予記其所居松雪巢以詩為謝因次韻答

之舟中閱漢武帝記

次韻葉德新江上觀兵

三塔寺

過本覺寺懷了庵長老

寄顧高士

寄鄭明德

過三塔灣留題

用韻答鄭先生

次韻答沈仲說

與錢誠夫員外

寄蔡彥都事

九日

九日東同幕諸公兼寄吳中兄弟

阻風仲舉舟中小酌 墻角種菊三四本頗可觀

淮陰雜詩五首

寄吳中分幙諸同志

寒菊徧開喜

寄唐伯剛

與陳庶子參軍兼東饒介之郎中

寄謝從義參軍兼東唐伯剛

與周信夫王叔明二長史

東錢伯行檢校葉德新長史

寄沈達卿陳子方二理問

和周太常貢秘卿五首

卷之十

律詩七言

送彌陀保世衡聞人德機二解元赴省試

送丁太初嘉德常二貢士赴省試

送牛述善郎中還京  
自淮安使江南舟次通中寄

同幙諸公  
由通州渡江

福山港口候潮  
癸卯二月十一日官軍發吳

門  
二十日福山港寄省院諸公

舟中看虞山有感  
二十二日狼山口觀兵

游狼山寺三首  
狼山港東淮安分省同官

寄朱佑之經歷  
與張長年都事

二十六日自通州赴淮安

東夏仲信太守韓璧經歷姚伯升照磨

高郵湖夜行天明過寶應

二十九日至淮安城南十五里述懷

到南鎮寄分省同官 三月十五日由淮安使江南

別同官 三月二十五日由吳門使杭

閏三月四日夏仲信太守邀游飛來峯和顧子經歷

照磨韻二首 分省諸公西湖宴集

閏三月七日過三塔寺留別寬老

泊舟三塔寺新仲銘長老出城相看

吳江 初八日阻風宿吳江無礙寺

西寺送信元長老還吳與楊墳寺

次韻謝元懿移居見寄二首

卷之十一

長律

送顧用之知階州

送謝叅軍十八韻

安童右丞挽詩

却同知挽詩

聯句

至正十一年正月一日遂昌鄭元佑龍門僧良琦臨

海陳基聯句匡廬道士子彥成歸越兼東蕭靖復

盧益脩

絕句

高郵湖

吳江道中

臨平道中 題柯博士畫竹

題采石陵梅竹圖

題摩癢馬圖

題寒林讀書圖

題畫馬

題倪元鎮畫

次韵劉德方經歷

送彦成玉山二首

和玉山韵二首

東林蘭若題謝仲和墨竹二首

絕句五言

題蒲柳鶯鶯圖

題畫山茶折枝

題月桂花折枝

臨平

騷

悼崔文

弔徐節孝先生

代弔岳武穆王

清暉樓

歸雀解

卷之十二

頌

平江路達魯花赤西夏六十公紀績碑頌

海道都漕運萬戶府達魯花赤脫因公紀績碑

銘

頤庵銘

吳興沈仲說得蕪長公舊硯銘

貞白 銘

緩軒銘

歲

潛心閣歲

贊

劉文正公像贊

謝叅政像贊

蕪昌齡像贊

月上人畫像贊

雜著

原器贈葉照磨德新

諭圃文

諭童文

說舟贈謝從義

丁彥明字說

崔瓢記

卷之十三

序

游虎丘圖詩序

玉山名勝集序

送黃德廣序

送丁經歷序

送劉志伊序

橫山紀行詩序

送粹上人詩序

卷之十四

序

送鄭同夫還豫章分題詩序

趙泰州平反冤獄詩序

送金西白上人游方序

浮青閣詩序

送煜上人序

徐公遠字序

陸仲淵字序

贈葛孟顥序

卷之十五

序

贈宋太醫序

王季鏡詩序

馬千戶遺愛詩序

乾坤草亭詩序

江月樓詩序

强彦栗北上詩序

宋縣尹詩序

卷之十六

序

張郎中詩序

白羊山紀游詩序

送邵知州序

徐仲剛詩序

鄭九成詩序

送涂叔良序

盧仲章詩序

卷之十七

序

顧友文字序

李僉事政績序

崔衢州政績序

送陳惟允序

送李德中序

卷之十八

序

送鄒椽史還江西序

送本上人東游序

送張知事序

友迂軒文集序

奉親菑詩序

贈曾彦魯序

卷之十九

序

送陳景初序

送哲上人序

送陳希北上序

朱氏格致餘論序



韋道寧詩序

左丞潘公射吳江佛寺浮圖

卷之二十

序

陳惟寅字序

瞻雲軒詩序

送浦朝宗序

南臺御史西夏永年公勲德

詩序

丁仲德歸養詩序

卷之二十一

序

送覺上人序

贈醫學提舉張性之序

送周性夫序

西湖書院書目序

卷之二十二

序

徐節孝先生詩序

程禮部文集序

孟待制文集序

金佖粹編序

飛雲樓詩序

安素堂詩序

息耕亭詩序

脫歆叅政詩序

卷之二十三

記

雪屋記

愛日堂記

崑山州重建城隍廟記

虛空記

思順堂記

卷之二十四

記

春暉樓記

佩韋堂記

存存堂記

靜遠堂記

梓軒記

貞吉堂記

卷之二十五

記

蓬萊山房記

綠筠樓記

幹勒氏續祭田記

雅會堂東軒記

竹間居記

庸德堂記

卷之二十六

記

思善堂記

鍊雪軒記

本源禪院記

河南杜君政績紀

天惠賢首教寺記

卷之二十七

記

書紳齋記

水雲亭記

光福觀音顯應記

白雲牕記

虞麓精舍記

卷之二十八

記

聽雪堂記

皦皦堂記

同樂堂記

卷之二十九

記

三咲軒記

清嘯軒記

松泉亭記

卷之三十

記

重修三皇廟記

松雲巢記

卷之三十一

記

退思堂記

卧雲軒記

卷之三十二

題跋

跋陳汝資書其弟汝泉詩後

跋李伯時追焜音

跋別峯講詩所藏文莊公帖

風林亭記  
種德堂記

憶親堂記

蠢庵記

重修仁和縣記

六柳莊記

志學堂記

深雪軒記

跋饒叅政草書  
書朱雲傳後

跋蘓文忠公自書前赤壁賦  
書趙真公墨梅後

卷之三十三

碑

精忠廟碑

墓誌銘

陳隱君墓誌銘

袁處士墓誌銘

姪天麒壙銘

墓表

秦君墓表

卷之三十四

傳

湯婆傳

周處士傳

史子孝傳

沈母傳

樂間處士傳

卷之三十五

祭文

祭故平章榮祿張公文

祭幹勤廉使文

夷白齋目錄終

夷白齋目錄

六

夷白齋集卷之一

賦

別知賦送王子充

紛吾好茲良友兮慮無遠之不求匪夫人之不衆兮繫惟愛  
 子之好脩迪仁義以為塗兮挾忠信以為輶朝縱輕于齊魯  
 之郊兮夕沿洄于洙泗之流登泰華以望八荒兮薄青冥而  
 上將扶雲漢而分天章兮將黼黻乎皇猷虎豹怒而當闕  
 兮叫帝閭而無由出國門而南驚兮逝將返于故丘曰  
 國家之取士兮蓋亦有夫常度策駮耳而駕輕車兮矧從容

臨海 陳基 著

金華 戴良 編

于熟路秋風起而江水波兮歲月聿其云暮鴻羽用而為儀  
兮廓雲達而軒翥塞予生之子兮何涉世之孔韜馳予乘  
手九衢兮太行割其在前豈王良之不善御兮反予躬之或  
愆昔退之之魁杰兮感二鳥于潼關洎予黜黜而無類兮又  
何足以永嘆屬吾友之遠別兮申一言以自勗倘夙好之不  
替兮尚戾予之空谷

蟬賦

笠澤之野夏無鳴蟬嘉禾蔚其如雲衆鳥雜而爭喧維歲行  
之在卯景風生于樹顛爰抱葉以高噪復憑虛而浩歎赫乎  
封趙盾之日淒焉訴齊女之冤蓋非金而非石亦非管而非  
絃變化乘乎氣戾音奏發乎自然初而聽之若流泉之含清

風瀉疾瀨而為湍徐而察之如靈絲之抽獨繭引餘緒之綿  
繇若乃微雨乍止涼颼滿園陽舒陰伏雲霽日鮮擇脩幹以  
仰集眇柔柯以延緣或嗜<sub>之</sub>而彌厲或琅<sub>之</sub>而未闌曉咽碧  
梧之露夕吟琪樹之烟興玉署之秋懷警金閨之晝眠韵欲  
斷而復續喙欲默而逾宣將自鳴其不平意有蓄而莫傳者  
乎蓋萬物蠕動品異類殊維爾蟬之為物何賦形之渺如始  
並育于污濁卒獨慕夫清虛羗含氣而飲露曾不豐而不腴  
奚斧虫之稔毒恒不利于介軀豈文惡太著爾首綏飾兮物  
忌太廉爾不忝食兮居忌太險爾不巢息兮衆忌太信爾守  
不忒兮性忌太急爾蛻無迹兮嗟乎爾有五德又復善鳴激  
中林之逸響振寥廓之餘音縱有愜于人耳寧無迂于物情

爾其謝高枝于靈囿托茂樹于郊坰藉流暉于藂薄蔭清樾  
于廣庭于以安貞而養素于以遠害而全生然周詩詠其應  
時漢冠尚其能介集弁則前史徵祥偷安則昔人垂戒蓋進  
則揚夫聲名退則游于塵外雖隱見之有時亦趨舍之無悔  
也

樂府

白雁操

梁君出獵其臣公孫龍善其君之聽其言而作

有羣白雁王其戈諸蠢彼行者王其釋諸匪伊是釋惟王之  
德王德伊何曰齊景公一言之善上格帝衷人獵得獸于言  
何有王獵得言王千萬年

鴻鵠操

晉平公浮于西河感舡人固桑好士之言而作

鴻鵠于飛以翮非毳君子好士宜別其類鵠蜚冲天其有以  
夫美哉山河守以士夫孰謂彼夫言有旨夫

崇丘寄倪元鎮

丘崇兮下有流水樹森兮匪櫟伊梓彼櫟孳兮且壽梓  
棄為薪兮于材何有造物孔仁兮將焉歸咎

山高寄陸玄素

謂山高兮其上有天謂地厚兮其下有泉天不可升兮地不  
可極我思古人兮為之太息古之人兮謂誰山之中兮水之  
湄孤舟兮容與俯狎步兵兮仰招鴟夷非夫人兮爾曷從之

春草詞為延陵華彥氏作

當軒不栽花只種忘憂草栽花恐傷春草根草色年年為親  
好東方日出芳菲堂上阿婆堂下兒來為尋阿婆喜何  
用遠遊千萬里春草種易生春暉報難極不將春草報春暉  
且着春衣舞春日樂未央阿婆壽與春日長教人愛殺隻蝴蝶  
蝶歲歲飛來入畫堂

雁孤來為徐夫人作

雁孤飛在何所一在江之南一在江之澣江南一去不復歸  
河水悠自東注結髮從君作夫婦豈料孤飛失儔侶夫為  
忠臣妾貞女忍昔聞之今自許我欲同歸泉下土翼下之鳥  
誰與哺日暮不離河之洲日出飛愛毛羽毛羽幸無增繳

傷翼下之雛乃可防

慈烏曲為沈仲說作

慈烏尾畢通朝夕相呼哺爾雛今日慈烏一何樂飛向樹頭  
及屋角飛去飛來鳴且啄門前忽有吏手捧篋與篋中有兩  
束帛爛生天光孫也出見吏再拜升母堂祖母康強年九  
十受帛拜天仰天立太平恩澤高年及懽樂盈門動鄉邑殷  
勤裁剪製為衣長短于身無不宜母着衣孫起舞日見烏  
來反哺萬歲千秋荷

明主

黃雀行

黃雀何飛雄鳴呼雌野草低暮歸莫向空城棲空城挾彈



多小兒朝飛莫傍東家屋東家鷲鳥食爾肉不信只看梁上  
燕昨日養雛今不見不信更看桑間雉綺笠離襪瓜中死東  
家公子非少恩彼鷲不仁誰敢嗔吁嗟爾生亦甚微彼鷲不  
仁謹避之

鷄鳧行

鷄與鳧皆鷓育鳧愛水游鷄愛陸鳧昔未辨雌與雄母不顧  
之鷄為伏鷄渴不飲饑不啄以腹抱卵誰敢觸鳧脫殼雞鼓  
翼日庭中求黍稷啄呼鳧使之食鳧羽日禿禿一朝下  
水不顧鷄在岸鳧在水賦性本殊徒爾耳鷄知為母不知  
鳧恨不隨波共生死

白頭公詞

杜陵三月春風暖燕語鶯啼雜絃管落花撩亂紫騮嘶平落  
歸來酒尊滿雨棘風篁忽已秋幽鳥多情亦白頭不隨翡翠  
樓中宿却愛鴛鴦水上游春去秋來不知老安樂時多憂患  
少綺窻深處語言奇付與紛秦吉了

刈草行

原上秋風吹百草半青半黃色枯槁城頭日出光杲腰鎌  
曉達城門道門頭草多露未晞爾鎌利鈍爾自知一人刈草  
一馬肥馬不肥兮人受笞城中官廐三萬匹一匹日餐米一

石

新城行

舊城舊人民新城新無舊人舊城外兵一解新城

城中齊覆瓦萬瓦鱗，次第勾將軍令嚴鷄犬寧將軍愛民  
如愛子百賈皆集新城市浙米淮鹽兩相值楚人之弓楚人  
得何時四海無荆棘北賈販南，販北

見月行

在家見明月誰問圓與缺他鄉見月明却驚馬虜又盈世間兒  
女不知愁夜，月明同上樓那知此夕遙相望樓上徘徊不  
惆悵人生願與月同圓不願別離年復年此身總為饑寒逼  
奔走東西與南北它鄉見月與家同慟哭亦無阮嗣宗

裁衣曲

殷勤織紉綺寸，成文理裁作遠人衣縫之不敢遲裁衣不  
怕剪刀寒寄遠惟憂行路難臨裁更憶身長短尺恐邊城衣

帶緩銀燈照壁忽垂花萬一衣成人到家

征夫嘆

世上父母心貴男不貴女生女不過嫁夫家生男可以當門  
戶東家有女不嫁夫夜，織帛白輸官租西家有男雖娶婦歲  
歲從軍身荷爰有夫不若無夫樂無婦何如有婦惡却羨林  
間百鳥飛雌雄相呼不暫離

征婦怨

征人娶征婦誓欲同甘苦征婦嫁征夫心期事舅姑舅姑在  
堂夫遠成欲寄征衣不知處裁衣不寄恐夫寒有婦容易無  
夫難人生莫作征人婦夜，裁衣淚如雨

邊城曲

莫啟匣中鏡怕見頭上雪莫放弦上箭怕射邊城月邊城月  
缺還再圓頭上髮白何由玄君不見自古邊城有餘樂夜月  
聯詩畫綦粲至今月照鄆城頭相國功名齊斗牛

夷白齋藁卷之二

古詩四言

九月壽沈母

十年九月廿有九日沈氏大母為歲九十歲事告成登黍與

稷孫進裳衣婦具酒食母衣維何

天子賜帛母食維何伊

帝之力母升于堂朝日有光崇肴于俎實酒于觴孫拜起舞

婦與在行酒旨肴嘉母樂且康中堂何有絲有竹琴瑟管

籥繁音妙曲間以金石鏘之佩玉黃耆鮐背維母是祝載彈

臨海

陳基

著

金華

戴良

編

載詠載歌載弦母醉且飽母笑且言母曰孫孝母曰婦賢宜爾蚕于室宜爾穀于田爾孫爾婦式如母之年

西村之墅美德方甫

西村之墅有稷有黍誰其藝之維德方甫維甫在穎式田以處入奉蒸嘗出其樽俎以飲我祖考以侑我賓侶穎水悠々載浮載游或杭以葦或方以舟或汎幽止或泳中流以御我田祖以載我厘楚甫之出矣載縻好爵聖亦有言畊不如學人情為田有耨斯穫以詒我後昆以承我先覺

漢書劉向傳上封事曰月頌曰飴我釐舜注飴與昭同厘讀與來同又字典無載字

古詩五言

秋懷

寒暑有代謝人事亦推移蹉跎慨疇昔俛仰念復茲籬落萎

秋蔓餘葩含夕姿造物諒難窮吾生知有涯皎々碧山侶依依青桂枝相從恐違暮悵望起遐思

其二

梧桐墮金井寒蟄栖露藜離居在萬里一夕生秋風秋風忽已暮離居邈何處獨寐在重幃相從乃中路

其三

秋夜何迢々作搖不能寐起坐彈孤琴聊寫千古意鳴鳳久寂寥倚蘭亦憔悴往聖既莫作後賢孰為繼當獨怜商山翁去去復遊逝空谷亦何有紫芝斯可餌如何末路中亦墮番侯計羽翼倘不成鴻鵠恐將垂翅苟可利生民寧辭覽紆轡區々後世名于翁何足記

其四

秋水不可涉美人安得從眷彼芙蓉花盈了秋水中非無舟  
與楫所畏有蛟龍臨流不能采零落委芳蓂

其五

羣動夜已息秋聲遠何從仰視天宇高微雲浩無蹤明月在  
庭戶河漢上縱橫既莫知所始何由究其終我獨弦我琴微  
風入疎桐寫作清商調感慨激意無窮

其六

昨日若炎暑端居厭煩渴手短河漢高井深輓轡折此夜秋  
已清一洗塵世熱紈扇委深筍輕羅換疏葛天運無停機人  
生自悲悅急景一為遷流芳遂衰歇洞庭生微波明河湛秋

月落葉辭故枝驚鴻亦飄忽為謝同心友胡為久離別

其七

我有一樽酒獨酌飲不成歡豈無骨肉親悠々隔河山亦有平  
生友合併良獨難古人千載上世遠不可攀何如與明月徘徊  
松桂間月既知愛我流輝照衰顏我亦知愛月托心同歲  
寒長願玉宇淨河漢生微瀾四海仰餘照親友各平安夜々  
見明月人々無苦艱此月不可圓負此樽不可乾天地等逆旅  
流年翻驚湍古人雖云遠其言美若芝蘭舉燭以和之對月更  
盤桓

讀國語

成周昔重幣欲以母權子用此寔王府為計無乃鄙塞川以

為潢川竭潢亦毀至哉單穆公論列何偉當世不見後王  
宜鑒此厲王怒聞謗乃使衛巫監欲逞一己私冀彼萬口籍  
防民甚防川川壅宜早決民言苟不宣禍至無乃烈先王置  
謗木政恐有缺遺瞽史與朦史賦誦尤右規百工及庶人人  
賤言不廢聖亦擇芻蕘賢當受耆艾

詠史

百金購馬首為計良已踈如何不歲間一至三馬俱燕昭亦  
中主謀國乃不愚一聽郭隗言虛心聞良圖黃金築高臺束  
帛走中區瑤房間曲館窈窕貯名姝五鼎列珍饌駟馬駕高  
車今年迎樂毅明年迂由余秦城百二險六國日丘墟燕小  
獨後亡得士諒非虛

其二

昔者智襄子獨擅六晉強一舉滅范氏再舉圍晉陽韓魏為  
執轡意氣何揚以水灌人邑自負力莫當誰知旋踵間身  
死國遂亡恃力不務德覆滅乃其常

其三

吾怜晉陽圍沉灶且產蠹不沒僅三板民志卒無它乃知繭  
絲利不如保障多邯鄲非不寔民膏斲我走遠不趨近君  
子意無那先王有所屬尸鐸與民和智氏不好德獨奈晉陽  
何

懷美人次韵荅友人

出門日初昕入門日已陰懷彼千載人勞我一寸心歲月忽

美自集卷二  
四  
云邁江湖一何深北度限太行南游阻桂林既負慷慨懷官  
羨詭遇禽取此獨繭絲中有太古音寫作梁甫調嘆息淚沾  
襟

待王子充未至

屏跡遠城闕幽栖向林阿永懷同心友褰衣起婆娑憶昨走  
京邑彌年阻閔河結客燕趙間頗覺增悲詞逸驥謝羈紲冥  
鴻辭網羅所念聖哲遠中心良非它夏屋廕嘉木芳池發新  
荷須君此弭節日夕共委他

夏日喜友見訪

兀少寤語悠多遠懷歛跡防僧夏凝神企心空美人忽  
至止良友與之偕閒然類迹虛是爾觀所諧迹迹志彌愜情

啟禮無乖衣褐貴懷璧屬辭慚類俳積雨霽初夕清颼掃餘  
霾願言念幽獨日此憇高懷

投贈同志

仲夏暑氣溽平居愛高明柰此西日矣四壁鬱如蒸鳥雀亦  
苦熱羣飛繞檐楹念彼縞衣侶引吭一長鳴諒非丘樊安緬  
懷霄漢情高懷蔚成幄稍清風生嘉卉亦自媚為我顏色  
頽攬物感時序興言劇心旌美人一水間累日廢逢迎投此  
以贈之聊復慰屏營

次韵吕彦貞

衛國不好士養雀皆乘軒夏禹后之聖匍匐拜昌言我十  
二樓上有孤鳳騫覽德一下之頤宵栖于樊世無個倘人嗟

此復誰論洪河西北來萬里日崩奔學海有源委  
勉宜自啟况有典型在共此北海尊

分省同幕諸君小集

日出諸公館眷言欲何為名法非素習吏牘漫紛披况當兵  
戈際生民屬瘡痍愧非適時器徒蒙君子知今夕復何夕羣  
彥辱追隨繫馬及亭午開軒納涼颼須臾急雨武四座却蒲  
葵呼吸異舒慘俯仰閱盈虧開尊酌芳醪聊此慰哀遲知己  
諒難酬厚顏祇忸怩

海南書隱為上虞俞氏賦

草木本何心人情殊所托豈伊同臭味政爾高風格眷彼東  
山陞貞葩爛林壑攬此亦奚為幽棲遠城郭玉立衆芳先氣

壓羣卉弱貽謀豈無意迂續斯有覺圖書目前陳琴瑟時間  
作寤寐賢聖俱起坐塵空却故俗仰克封名山餘禹鑿擬赴  
歲寒期莫負東家約

夏日齋居用蔡都事彥文韵

微生一世間俛仰異今昨嘯傲羲軒際慷慨孫吳畧趨舍雖  
或殊浮薄得無忤舍靈屬憔悴畏途乃盤錯仰天河漢高涉  
海波濤惡三徑日蕭蕭五湖烟漠漠浩蕩魚鳥遠偃蹇騏驎  
縛衆卉萋更碧孤芳紛已落動植迭榮瘁崇深互飛躍回觀  
靜中趣却慕方外樂况非軒冕姿誤膺菲葑託已與向平期  
終赴名山約

分省早集懷同志諸公  
錢員外蔡都事湯幼管



間歲涉戎旅終年廢丘壑一為塵網嬰竟負霞烟約今曠  
公署時暑秋已薄山翠落簷楹湖光映簾幙同袍二三侶分  
携異今昨畏途屬賢勞端居念離索蹉跎愧衰暮勉參畫  
諾臨事每參差憂時恐謬誇覽茲山水勝寫我情慮惡遲子  
早還歸開尊共斟酌

樓居

樓居屬朱夏宴寢宜清晝微雨散空靄遙峯獻餘秀深巷頗  
紆轍良朋亦時覲尚論黃虞前足以發蒙陋何當稅塵鞅遠  
跡栖雲岫為謝荷鋤翁逢種南山豆

彦文點兵餘杭富陽新城道上賦詩見示因次其韵四  
首

出門難行路四郊人跡踈畏虎如畏賊食米如食珠驅車疾  
明發點兵歷邊隅誓將剪妖虜聞者喜復歎

誰能行伍間奮身先萬夫使者有所遣陸行復乘舟迢餘  
杭道汎富陽流盡瘁乃明訓宴安匪良謀不貴徇名祿所  
期無悔尤自古君臣際同樂必同憂

天高河漢秋月白風露涼引弓激長天願言射天狼仰觀叱  
熒惑却立麾挽槍誓此七尺軀為彼百夫防孤忠一以奮萬  
死庸何傷

生人屬塗炭羣妖方弄兵大將肅旗鼓三軍嚴視聽所重致  
天討慎勿妨農耕鯨鯢示兩觀熊虎行四征努力平南服持  
之奉聖明

分署望鳳凰山

秋氣日以佳微雲不成雨青山天際來與我為賓主飛龍及  
舞鳳突兀在庭戶須臾霧靄收草樹粲堪數蹇予麋鹿姿詎  
意嬰圭組蹙縮匪天真驅馳漫塵土偶坐屬無喧晴容湛空  
宇欲去復徘徊此意當誰與

次韵彦文古詩

西齋對雨

江雨水雲國陰晴無定期靡<sub>レ</sub>歲時晏悠<sub>レ</sub>夜何其驚颼一  
以勁落葉漫紛披人情異舒慘物運互推移君子懷端居玄  
覽久忘疲客至即共飲酒行勿停卮奕勝不計速句巧寧厭  
遲霜橙眩餘綠秋菊含晚姿豈不念疇侶日夕共委蛇所覲

葆冲和勿復費煩思

池上

空池納光景皎<sub>レ</sub>無緇<sub>レ</sub>性潔不容澤体虛能照人古人以  
水鑑<sub>レ</sub>心不遺身所以解纓侶亦欲濯其塵纓解復可結塵  
污不可清疑觀池上者當知清濁音

對菊

我有舊栽菊蕪穢北山隅竭來三十載誰復護根株非但歲  
月久况茲川路殊惜昔少壯時親愛日歡娛每逢佳節至掇  
英汎樽壺持觴送飛鳥飲畢卧蘧蔭今晨屬遲暮日斷歸雲  
孤終然嗜真寔時復過君廬

送邵同知分韵得來字

我折錢塘柳君上越王臺越臺今寂寞昔人安在哉空餘鏡  
湖水蕩漾小蓬萊千岩兩新霽萬壑盡氛埃山色時時好荷  
花面<sub>開</sub>聞流芳殊未歇爛熳待君來

次韵沈仲說荅蔣子忠遺山水便面詩  
端居宴脩景尚論天人際紈扇遠寄將只尺山水麗出入懷  
袖中盈<sub>落</sub>空翠樂此虞舜琴傲彼羲皇世穆如來清風妙  
與天者契

夷白齋藁卷之三

臨海 陳基 著

金華 戴良 編

古詩五言

發吳門

以下皆辛丑歲張士信出鎮淮安啟初以左右司員外郎往其  
軍事而作也

少壯不解武衰老却從軍將相北出師部伍各駿奔伐鼓震

城闥<sub>關</sub>樹羽陰秋旻水師歛龍驤鐵騎紛雲屯軍容亦已肅士

氣悉欲伸載詠東山什感激為逡巡顧余麋鹿姿辱參羆虎

羣頽然介冑間見此縫掖臣微祿不逮養匪材何足珍馳驅

寵辱途俯仰愧一君親秋風吹海濤落木滿江津去<sub>勿</sub>踟

躑浩譔天宇新

大江

夏后道九州江源起西極想當䟽鑿時毫髮無餘力奔流赴  
東海吐納潮與沙萬古天塹雄洶湧限南北時秋八月望烟  
霧四開闢皓月麗中天華星列東壁俯擊亂流揖仰送搏風  
翮眼空牛渚舟氣傲南樓席平生臨深戒所至每兢惕此夕  
獨踈狂四顧無與敵風伯引輕帆百怪咸辟易前瞻狼五山  
亭倚秋碧

狼山

狼山一何竒崛起大江滸橫截捍奔濤離列成四五人言秦  
皇帝鞭石走中土意欲跨東溟侯彼神仙侶此石乃其遺為  
山儼狼頤斯事雖云誕傳說自前古我疑融結初磅礴元氣

聚地脉引東南歛吸不可覩層巒屹浮圖下瞰吳岫兩行  
入淮甸此勝無與伍

通州

渡江朝始平入港濤已落泊舟狼山下遠望通州郭前行二  
舍餘四野何漠漠近郭三五家慘淡帶藜藿到州日停午餘  
暑秋更虐市井復喧囂民風雜南朔地雖江淮裔俗有魚鹽  
樂如何墟里間生事復蕭索原隰廢不治城邑僅可托良由  
兵興久羽檄日交錯水陸輓粟芻舟車互聯絡生者負戈矛  
死者棄溝壑雖有老弱存不克躬錢鏹我軍寔一王師畊戰  
並宜作惟仁能養民惟善能去惡上官非不明下吏或罔覺  
每觀理亂原愧乏匡濟畧撫時一興慨悲風動寥廓

如皋縣

曉行過如皋草露萎以白井邑無人烟原野有秋色緇褐兩  
三人牢落徒四壁似訝官軍至拱立衢路側伊昔淮海陬土  
俗勤稼穡瀉滷盡桑麻間開皆貨殖及茲兵燹餘道路紛荆  
棘十室九逃亡一顧三嘆息王師重拯亂主將加隱惻戒吏  
剪蒿萊分曹理益英眷言恤瘡痍遲迴歷阡陌上天合助順  
九土期載闢白首忝戎行臨風增感激

海安

淮海水為利轉運有常程積渠如積金守防如守城邇聞渠  
堤壞水決如建瓴我軍賴神速僂力障頽傾舊防幸已復新  
備亦宜興古人慎舉衆日費千金併剋敵務園糧足邊資力

畊矧茲淮甸間沃野富吳荆草萊日加闢餽歲彌增勿使  
土遺利生令儲峙羸東南力可舒根本計非輕欲弘中興治  
斯事力當行陋儒無長算觸事有深情舟趨畏途戚慎  
宵征

爛泥洪

猛虎尚可搏蛟龍亦易屠惟有爛泥洪蟲蠹天下無蟲嘴甚  
蝟螫蟲聲殷雷如壯士不敢觸之無完膚一嚙始筋露再  
嚙令骨枯牛馬噉致死矧茲忙者軀造物仁萬類稔此獨奚  
需得非庶草蕪變化劇蟪蝼譬如蟻與虱所貴日爬梳否則  
必滋蔓草苦難圖我欲訴真宰憤切擬包胥上帝必震  
怒下令塵天誅辱收將中軍風伯為前驅一鼓清八極斯醜

諒安可逋爾蝨法必殘爾洪理難渚聽記秉耒耜庶草悉誅鋤  
要令衆蚋都化為杭稻區作貢奉明禮庶足散報錨銖

泰州

吳陵古名邦利盡揚州域舊城雖丘墟新城如鐵石昔為魚  
鹽聚今為用武國地經百戰餘士耻一夫敵征人還舊鄉下  
馬問親戚躅躅慨蒿藜徘徊認阡陌桓桓霍將軍出入光百  
辟位重言益卑功高志彌抑誓欲報仇讎不肯懷第宅人美  
到家榮驚喜爭太息白日照旌旗閭里有顏色皓首太玄經  
雖勤亦何益

上樂

夕次泰州郭朝行上樂里密雨洒蒹葭秋風拂菰米頗聞承

際平日魚鹽賤如水蕭鼓樂聚祠謳謠動城市中原正格鬪擊

柝聞四鄙官道日萋蕪生人垆等蝼蟻依烟際舟兩舟中

子來往賣魚蝦出入官廩裡生長離亂間不識紉與綺失喜

見一王師被服多華侈買物不計錢僕論更拜起何當罷戰

伐萬國收戎壘山河歸帶礪車書復大軌有地盡蚕桑無人

不冠履腐儒亦何需歸山守松梓擊壤樂餘年此樂無窮已

令丁旗

水路由下樂前赴令丁鎮落日淡平蕪荒村帶寒燐囊時富

魚稻稅薄民不困蓮芡亦時豐亦足備饑饉江湖歲或艱老

弱行蠶亦相携就食淮不得辭遠近四野今盡荒百畝無一

墾鞠為鳧雁區無復限封畛師行輜重隨士飽筋力奮經費

固  
有常變通亦宜論吾聞古賢將羊陸開吳晉食足邊備多  
高標邈千仞

務子角

頻歲事行邁敢云筋力衰官軍渡淮海父老逐旌旗騎士盡  
驅虎舟師皆水犀踴躍趨敵場謳歌雜華夷行負子角所  
過悉瘡痍草木未黃落風露已凄其僕夫蹙謂我歲暮寒無  
衣故鄉日以遠道路且崎嶇我方戒徒侶師行有成期貴賤  
皆行役遑敢恤其私賴有同袍彥議論各瓌奇有酒即共飲  
聊復慰羈離

高郵

秦郵水為國層城高鬱鬱三面阻重湖深湟中蕩滴每怜秦

太虛材兼文武術慷慨談孫吳議論甚奇崛遨遊二蘇間文  
采尤駿發平生英邁氣想像見彷彿願余亦何知勉從戰  
伐歲晚過其鄉徘徊為終日憶昔元佑間中國久寧謚二虜  
獨披猖公心常憤切中原罹塗炭四野多白骨使公當此時  
豈惜焦白髮秋風吹淮甸征騎四馳突九原不可作悲歌暮  
蕭瑟

寶應

秋風日蕭颯百草各憔悴零露泣寒螿客子心欲碎寶應古  
名邑喪亂生聚廢市井皆官軍道路盡蕭艾主將行邊鄙遺  
黎望旌旗共願早休兵還鄉供負米

述老嫗語

歲暮涉淮海不辭行路難縱軍豈不樂即事每長嘆老嫗八十餘日晡未朝食自云遭亂離零落途路間豈無子與孫充軍皆不還男戰陷賊壘孫存隔河山數月無消息安能頷饑寒語畢復淚垂使我心悲酸上天未悔禍豺虎方構患近聞山東變世路復多端悠々顛沛人何時得平安

淮安

此邦云楚州水陸居四達因淮以為塹天險不可忽昔聞里中人功蓋天下傑能受市井辱羞與絳灌列常憐躡足時事與追亡別走鹿既已擒狡兔安足惜疾風吹空郊露下芳草歇行過進食地尚想還鄉日王孫迹已陳漂母名未滅遙望濟岱間風塵正騷屑

九日從陳醫師寓所得甘井課童子分汲

世亂遠為客迢々淮海濱空城百戰餘多非舊人民十井無一甘憂心渴生塵蕭條值九日無酒亦無親偶過同宗友欬笑意何真為我脩茗事芳潔無與隣一啜喉吻潤再啜肺腑新三啜衆觶和四啜百慮伸連啜五至六高談如有神吾宗和扁流豈過蘇耽倫得非上池水沾丐及時人呼童抱甕盎走汲勿辭勤饑食與渴飲它井棄勿論澤我枯槁客滋我衰病身沃我冰炭腸餘潤及朋賓古人飲菊水其壽及于春今余遇菊日飲此樂欣々裁詩謝宗友勿以饕餮見嗔

傷菊

終歲事行役所歷厭蒿蓬偶過衛子廬庭有幽菊藪淮海風



日高秋葩粲黃中擺落凡近態綽有靖節風自負丈人行宜  
為兒女容卓然搖落際見茲羣卉雄是時歲將晏不意有此  
逢繾綣去復回眷若情愛鍾衛子屬他適我亦缺遇從屋宇  
既易主庭菊廢無蹤鞠為鷄豕區腥穢多蛆虫我見長太息  
扼腕為忡爾菊雖植物正色映霜空氣含逸世韵力著扶  
衰功托根君子庭誓言期始終中道乃改步殘賊遘屯凶物  
理有屈伸世故無終窮悲傷亦何益極目送飛鴻

夷白齋藁卷之四

臨海 陳基 著

金華 戴良 編

古詩五言

公退述懷

鷄鳴戒徒御日入返紫荆素無希世念亦復勞其形間閑用  
武日百役有期程空言不足施退省汗沾纓中衢積塗潦滑  
滑不堪行振轡策羸馬一步一凌兢入門無它慮偃卧就南  
榮永愧逃名侶冥栖無所營  
成夫修所居室成戲贈  
我作庚東楚君方客中吳我至已授館君來始營居我屋雖

湫隘可以置琴書並軒五六尺種菊三四株公退即就寢或  
擬陶潛徒君居擇高明塗墍加遽蔭背陰而面陽中密而外  
踈昔聞真如室八寶羅明珠天女散妙花綽約麗且姝今欲  
人其人必且廬其廬去草當去根愛屋庸愛鳥我器若鉛刀  
僅堪一割需君村如太河可制干於菟利鈍迴不侔趨舍宜  
爾殊雖居市廛內各在東西隅朝游或同幙暮歸仍異途終  
然念羈旅時復枉軒車摘我黃金英浮君白玉壺議論天人  
際笑傲羲皇初麴生有妙理不飲欲何如

次韵答趙本初

蕭蕭霜露下蕭蕭鴻雁征春從越城戍秋從淮甸行解却紫  
霞佩換得曼胡纓莫酬一飯德違恤千載名新詩辱遠寄金

石鏗有聲欲報乏瑤玉臨風空致情

海安過腴得風出爛泥洪

舟過海安腴路轉爛泥洪水行九十里決漭趨秦潼月黑星  
漢高四顧無人蹤縱有百尺彈不如數尺蓬是時天宇霽餘  
霞散晴空篙師無它術仰面呼南風夜來水鳥鳴出沒西復  
東其聲類人嘔聞者思挽弓吾聞亦駭異莫究吉與凶得非  
旱濕區窳池蚊蚋鍾暑夕咬人膚蜂萬尚可容此鳥號蚊母  
蚊吐利于蜂往陂澤內雌呼命其雄春風一其和托巢蘆  
葦藪此鳥信可憎彼蚊幸未逢所憂亡命徒持刃匿草中晝  
伏夜間伺為毒甚斯虫我方事師旅禁暴哀人窮此輩若不  
除厲民安有終所過戒吏卒反覆開盲聾爾寔備官守責在

爾雅鷓鴣母注似鳥  
鷓鴣而大鳴如鷓鴣聲今  
江東呼為蚊母俗說  
此鳥常吐蚊因以名  
云及同蚊

兵與農自古處邊圉盜戢商旅通陽德始發生人事宜肅雍  
簡書雖有程我行憂慮從嘆息行路難何由辭轉蓬

聽水調歌有感

江流清復清江草接江亭何人詞水調餘韻入青冥歌者不  
知苦聽者有餘情坐令離別客白髮鏡中生

翠雨亭

華構帶脩竹窈窕清湖潯時雨積空翠綺疎生晝陰飛蓋集  
芳侶鳴珂雜春禽中有孤栖鳳懷哉多好音

下塘道中

謝村

舟行謝村路却訪義橋營妖骨埋芳草秋風洗復腥青山不

改色紅樹自

遠

含情當日聞風雀俱疑是晉兵

塘西

牽舟復搖櫓日出還停午風遞五林秋雲挾塘西雨盈子採  
蓮漿坎子迎神鼓對此欲忘歸停橈更容布

東阡

喧呼東阡道蒼皇競明發萬斧入中林千夫編巨筏關山日  
慎悴世路增騷屑此物諒何由徒以材見伐

南潯

昔年荷葉浦椎剝伏蒲萑日夕相狙伺承平為禍患茲辰乃  
夷坦悉歸畊釣間但聞明月夜時唱採蓮還

中塘道中

鳳口

溪塢晚寒風山營夜依谷栖鳥息復驚歸雲斷還續畫舸止  
宵征連艦啣尾宿戍鼓襍鳴笳秋聲一何肅

東塘

輕舸下溪口却轉東塘路鷄犬近相聞漁樵遠城戍雖經兵  
荒後漸有承平趣處處白蘋花家紅槿樹

大麻

大小兩麻村中藏萬家塢樹連超山雲草滴高亭雨地利本  
宜農民風乃尚武欲問漢文翁何時復淳古

包家堰

依楊柳津靡包家堰水出鳳溪口山聳臨平面地經兵

燹餘人似官軍健往歲羽書頻今年魚米賤

上塘道中

尹山

人傳周吉甫遺基在勾吳蕭條入虛里泱泱帶烟蕪豈伊姬  
臣裔散落處江湖負耒林丘下容非隱者徒

吳江

城吳帶秋水盈笠澤湄西風一夜起鴻雁盡南飛晉日東  
曹椽唐朝尤拾遺長揖謝軒冕悠千載期

垂虹橋

出郭雨如注入舟天欲低飛梁跨雲渚帶嶼亘長霓三江風  
水急五湖烟月迷夙昔鷗夷子扁舟此入齊

平望

下田不憂旱高田正宜雨四野已足霖三吳復無暑孟酒及  
豚啼盤羞襟鷄黍擊鼓樂社翁燒燈祀田祖

嘉禾

鬱鬱由拳縣亭，携李城秦漢相吞噬吳越競戈兵靡，風  
露夕離，禾黍生千古陸夫子遺言昭日星

石門

迢迢石門路冉，烟村暮眇，棹歌聲冷，不知處水宿信  
風波宵征犯霜露自愧匪賢勞何由拯黎庶

崇德

崇以據四衝城郭開莽蒼水陸飛芻粟軒車遞搖蕩民和州

牧賢雨足禾苗長我欲艤方舟相尋慰懷想

長安

上堰如上山下堰如下陵躋攀劇分寸傍徨加戰兢有形必  
有役無寵亦無驚為謝津頭吏誰是魯連生

題蘇昌齡西澗圖乃黃子久所畫者子久自識云華陽

逋客作

逍遙西澗翁汗漫華陽客渴飲杖頭瓢醉卧溪畔石澄觀無  
聲趣嘿然寧有跡舉目雲鳥飛側耳川流激人籟靜逾聞天  
機動彌寂寞搜屬意匠繪寫遺刻畫此客不可作斯翁老無  
敵寤寐西澗高今人心莫逆

題黃侍講所著王友樵先生墓銘後

隱君千古士太史百世師刻辭銘友樵其言玉無疵我觀讀  
騷作古道殊未頽斯人不可見斯文其永垂

夷白齋彙卷之五

古詩七言

楚州舊將謠

楚州舊將守楚城身與羣亮殊死爭父母遭烹妻子僂終天  
之恨何時平近從一王師却征楚歸尋父母身死所忍疼刺  
血滴白骨髑髏無言淚如雨烹父之卒今尚存恐懼復仇前  
自陳將軍謝卒汝勿畏我志為一國非為親羣亮所重在其  
首汝輩區區復何有若令殲戮止渠魁親骨有知當速朽將  
軍將軍孝且忠天地有盡悲無窮吾聞古有王陵母仗劍殺

臨海 陳基 著

金華 戴良 編

身成漢功

東臯隱者詩為范思賢作

錢塘隱者東臯子讀書賣藥青門裡云是前朝防禦孫至今  
住近蒲橋市蒲橋東頭楊頭枝門前好山終日橫承家善起  
小兒疾好古不求當世名韓康之後誰流亞宋清已矣無來  
者世上至今市道人紛紛見彈思鴉炙眼明有此東臯生百  
年義重黃金輕江湖放浪詩千首風月徘徊鶴一聲願余亦  
是忘機客買藥青門始相識為君長嘯上東臯極目千峰倚  
空碧

次韵玉山倡和詩

東方日出浴咸池夸父隨之死不歸彼仙之人列與莊寓言

非寓狂非狂維南有箕不歎揚此語在詩理不爽彼幻乃爾  
為詩張鳳凰飄々千仞翔風也蠢々獨處禳秋風八月霜露  
涼芙蓉始花水滿塘美人贈我明月璫何以報之白玉觴欲  
飲意氣揚出門一笑江決々人言名教樂未央明哲所貴惟  
守常安用策勛封醉鄉我聞夏殷時聖亦師務光宓子乃得  
友鳴琴不下堂人生莫嘆居無倚林宗乃為叔度留李膺亦  
復同仙舟平生痴絕頷虎頭我歌此曲君聽否為君更賦逍  
遙遊

次韵垂虹橋泊舟倡和

何年代石駕危橋鯨浪翻江白雨影勢控三吳虹倒影氣吞  
七澤水通潮重淵有怪犀難照蔓草無名火不燒霸國黃金

聞鑄像侯門白玉想為標功成海上身先退膾熟江東與可  
邀歲月幾何流水逝山川如舊古人遙鴻飛矰繳何由慕鶴  
去樊籠不可招浩蕩扁舟歸鑑曲寂寥方丈侶中條越人尚  
以鷄為卜楚俗相傳鵬類臬自把文章論倚仗敢將交態較  
淳澆五湖烟景隨時異萬里風萍觸處飄却憶春暉樓上坐  
為君裁取玉為簫

分題賦得太湖送鄭同夫

朝飲太湖水暮詠太湖秋太湖三萬六千頃七十二峰居上  
頭上稟咸池五車氣下浸日月涵斗牛鷗夷之舟從此逝功  
成身退合天道聲名萬古齊伊周江東步兵輕冕旒長揖齊  
王返故丘尊羹鱸膾何足羨上與造物同遨遊唐家拾遺巢

張翥吳江詩寒通  
上界咸池氣窈入  
中流水伯都注震  
澤湖其水與上界  
咸池相通

許流躬耕湖上食杞枸不與濁世相沉浮三人之生不並世  
出處雖異心則侔至今血食太湖口上下雲氣乘蒼虬今君  
遙別太湖渚鼓枻三高祠下路借得龍威一夕風送君彭蠡  
湖頭去

送毛生歸越

昔人受易田王生孟喜梁丘同一門卓哉古學貴師授愛爾  
毛生敏而秀侍父官游千里餘從師問業三冬後越王臺上  
瞰滄溟百川趨之終不盈毛生東歸究源委親見陽烏海底  
生

織錦篇

絡緯秋吟金井根佳人當窻織鳳麟流雲拂拭春無痕頃刻



繡作鴛鴦文銀漢含風星斗搖虛空迸出黃盤鷗君為裁製  
宮錦袍奪得當年盧肇標妾家本住牽牛渚與君誤結同心  
縷人間乃多離別苦夢落陽臺不雲雨斷腸無心為君織向  
君拋却支機石何時頭戴蓮花巾相伴隻成禮白雲

青絲絡馬頭送李彥章

青絲絡馬頭游宦古蘇州蕪州城東萬斛舟前年運米直沽  
口送別江頭折楊柳承恩頭挿上陽花錫宴尊傾光祿酒江  
上今年楊柳黃辟書千里有輝光勇騎閩外將軍馬飽食閩  
中荔子漿閩中兒女歌白苧把酒勸君為君舞將軍好文不  
好武古自閩中稱樂土

送李景先錄判

閩門柳枝短君行不可緩贈君不折楊柳枝勸君飲此金屈  
卮丈夫將身誓許國何用當詞傷別為青絲絡鞵黃金勒游  
宦鄱陽山水國何處春風最憶君琵琶洲上蘼蕪碧

送讓過吳

西風蕭蕭鴻雁鳴遊子悠々隨旆旌百年衣食仰奔走四海  
甲戈紛戰爭猥將筆札事卿相叨備戎行陪俊英軍中草檄  
我何有馬上操觚汝所能人稱阿買八分好我愛永興書法  
精吾女吟唔學言語汝兒讀書知姓名中年竊祿恥為此家  
有南畝歸力耕汝今還家我羈旅各勸加餐調寢與升堂再  
拜謁從母兒妹踉蹌忻走迎扁舟石湖上先隴霜露既降草  
木零丁寧為我戒樵牧慎勿剪傷松柏青我欲還山結茅屋

五岳逍遙期向平乞身時宰若未許南望白雲搖我心勞精

謝從義參軍自京師還言中書危參政見問且訝無書

因述詩寄謝

參軍過我夷白庵為言廊廟高巖，故人誰為國柱石臨川  
先生危大參猥蒙問及且見訝十載尺書無一緘惜昔相從  
客燕趙削去涯岸無猜嫌辱陪五更佐三老勸講六經陳二  
南御史不容丞相忌司隸側目宮臣諛脫身黨籍走吳楚托  
跡丘園訪孔晡孰知展禽三見黜自揣嵇康七不堪平生不  
愛帶刀劍晚歲強令聞韜鈴髀消怕騎將軍馬面皺羞着從  
事衫折衝師旅非夙習奔走周旋真可慚危言深畏速官謗  
微祿不逮供親甘慰情屢抱擊絲女與一國未辦添丁男胡

為長年在道路席不暇煖突不黔幾回乞身向藩省未許曝

背歸茅簷終當解佩謝僚友徑去結屋依山嵐鄙夫出處蓋

如此為報先生聊口占先生事業則異是論道經邦民具瞻

早令四海偃兵甲盡遣百姓趨畊農蚕時和歲豐我在願功成

身退公自諳當它年若訪赤松子一笑相逢掀紫髯

孟冬觀淮水

孟冬日，東風狂長淮水與風爭強層濤如山勢欲立怒潮  
逆上相頡頏大舟亂流，轉急人馬蟻集駭且僵篙師挾花  
誇好手迎風簸浪花裡迴瀾百折爭低昂我聞憂后分四瀆百  
翔瀆吏掀舞浪花裡迴瀾百折爭低昂我聞憂后分四瀆百  
川受職皆循良邇來洪河恣陸梁清濁混淆墮舊防昨者一

王師搃淮口坐制鯨鯢如犬羊天吳罔象不敢動河失故道  
誰之殃漢武當年塞瓠子勞民兆亂紛搶攘中原黎庶化魚  
驚至今千里無耕桑我欲訴上帝勅河伯使復故道安其常  
清者自清濁者濁勿違冒約束于明章不然帝怒速致討河伯  
僂死誰嗟傷

鄭遂昌以趙魏公所題高尚書畫遺沈東林要予賦詩  
高侯高侯畫無敵魏公之書何可得半幅冰紈不盈尺千年  
老幹化虬龍氣挾太陰雷雨黑彼美幽篁尤正直挺身故有  
千鈞力赤松子孤竹君鄙夫與爾倩寂親逍遙歲晚東林下  
杖策相從鄭子真

題五王游春圖

五王坊宅五雲中天仗時來駐六龍君王不廢家人禮兄弟  
惟知友愛隆每日朝回從飲博今日胡為遠遊樂曲江池上  
杜陵南花氣薰人柳陰薄天子無為四海寧梨園謠曲教新  
聲救時宰相方憂此誤國奸邪計已萌當年若寶千秋鏡友  
愛如初無嬖倖只緣聲色解移人萬里蒙塵蜀山殞一幅丹  
青感慨多開元事業竟如何自古晏安為鴆毒至今荆棘嘆  
銅駝

題馬都事壽椿堂

堂前古椿樹問年不知數葉葉花芝蘭枝承雨露楚南之  
種昔同根淮海移栽子復孫共持春酒為親壽但願親年如  
此椿陰滿地休教掃畱與年陰萱草

山嶺之南... 夷白齋... 卷五... 詩...

臨海

夷白齋卷之六

陳基 著

金華 戴良 編

古詩雜言

沈孝子行送醫師沈伯新

吳淞江來自天月山奔流倒海無時窮川原藪澤侶基布鷄  
鳴犬吠俗與太古同郡人沈孝子築室居其中辛勤自食已  
之力仰事祖母年九十黃髮兒齒顏如童日出適田省耕作  
日入歸家奉溫清一室之內慈孝敬宛有齊魯風暇日閉戶  
讀書史閨門上下皆肅雍省身齋戒喜且懼飲膳湯藥必先  
嘗此心謂可對吳穹至正十年夏六月祖母邁疾卧床蓐涕

泣側息憂冲，再拜躬迎伯新甫。醫貴三世術，乃工伯也切。  
脉不用藥時，進臘黍甘如飴。以意取效超庸工，起居飲食復  
如故。神術陰與孝感通，壽為五福首。孝乃百行宗，醫師掌百  
藥。為人恤瘵痾，吾聞孝子世積德。慈愛固自天，所鍾如何俞。  
扁去已久世，土復有太倉公。我訝孝子行，送君勿勿。但願  
人皆躋壽域，樂有孝子心融。嗚呼樂有孝子心融。

黃雪窩為玉山作

草堂之仙人，隱居玉山陔。平生盜泉不肯飲，惡木不肯栖。就  
山為窩愛山雪，勝玉泉茶勝芝。煮以菌蠢彭亨之石鼎，然  
以臧縮擁腫之樹枝。恍聞松風洶湧出澗壑，化作雲氣蒼鬱  
于虹霓。匡廬道士來會稽，嬉笑怒罵皆成詩。尋常一飲即一

石榻破甕中，天地皆醯鷄。不厭陶家滋味薄，却愛玉川文字  
奇。舉椀猛吸如鯨鯢，悠哉相對孰賓主。窩中自來無町畦，乃  
知混沌鑿不破。縱使先天之子亦莫窺端倪。逍遙殺笑南華  
老，夢與蝴蝶隨春迷。

我今有所思寄于山人

我今有所思，乃在越山郵。越山遙，青入海。秦望特起上與  
浮雲齊，客有匡廬虛白子。一如吳門歸會稽，口誦黃庭經頭  
帶白接羅。往來倏忽莫可知，上下風雲騎虹霓。仰參赤松子  
俯接青牛師，左手揖廬敖，右手招安期。醉援北斗酌滄海，長  
嘯濯足悅巾掛。在扶桑枝，我嘗遇之玉山。下要我八極同游  
嬉，塵緣未割妻子累。一去不得相追隨，天台仙人馬子微陽

明洞天曾見之貽書遠報雪巢子烟波萬里來無時扁舟我  
欲東南歸鑑湖之水清漣漪授予玉匱書茹子苗山芝逍遙  
廣漠超希夷翻然却笑賀狂客為誰白首居鴻禧

空明山人歌

丹丘子空明生結髮為吏干公卿懸河之辨縱從衡法家之  
書刑與名少年騎馬入公府白首全真歸赤城赤城仙人下  
青冥手奉寶錄遙相迎虛皇勅治委羽洞服事劉郎為弟兄  
劉郎乘風朝紫清雲為旗兮霓為旌留與瓊田惟種玉約以  
不死三千春三千春在何許來往東吳復西楚請看珠樹著  
三花管鳳鞭鸞鳥却輕舉

烏夜啼引

閩人王碗阮為淮東元帥府奏差被誣繫獄部使者使

泰州尹趙子威鞫之平反其冤

烏夜啼在庭樹烏夜啼啼天欲曙阿兒被誣身繫獄盡室含  
冤受荼毒烏啼何為繞我屋下堂喚婦起聽烏忽喜淮東兒  
有書中報道兒罪脫此樂欣天下無兒歸拜母為母說  
泰州使君當世杰執法霜臺舊司臬明如青天皎如月冤獄  
平反解縲紲死地得生誣得雪海可枯山可裂使君之德不  
可滅烏啼愛我庭樹枝我愛使君不知使君歸朝奉一天  
子日聽烏為君喜

玉笙引

金華仙人周子奇能吹三十六瑄之叅差疏音間節傳自女

媯氏上引浮丘公下接王子晉來往伊水之濱雒水湄緱氏  
山頭雜宮徵龍吟鳳噉能使鬼神上下莫得窺端倪昔年西  
王母翻會瑤池親遣侍女董雙成學得妙曲崑丘歸至今  
縹緲十二之玉城餘音長繞蟠桃琪樹枝請君休汗漫我欲  
與爾期若非釣天即洞庭仰參軒轅帝俯友虞廷夔後天而  
老不死長追隨周子奇此曲莫向人間吹

律詩五言

興福院會秦文仲學古二首

蘭若臨江次層城壯海壖地通重譯貢門泊孝廉船人事桑  
田後春光穀雨前未忘棲遯跡來此欲逃禪

其二

兵革艱虞際思君減帶圍折衝成俎豆贊畫佐樞機交義陳  
雷古功名管晏微江城花爛熳莫惜典春衣

送謝參軍

參軍趨府日父老借恂時重為蒼生起當酬國士知功名君  
不忝筋力我將衰送別春城暮深杯莫厭持

次韵答元善

跡忝芙蓉幙心依虎豹閤老驚詩髮短貧覺酒尊慳特達高  
書記清新庾子山多情憑塞雁時寄一書還

送錙治中

楚平津彥翻千里駒起家忝上郡振轡騁康衢別駕恩  
非忝嚴君德不孤青雲有知己寧許戀南湖

癸卯二月十二日常熟阻雨寄吳門同分省官

一棹琴川路頻年此往還海風寒挾雨戎火夜連山澤國龍  
分節邊城虎據關故人南省幙退食佩珊

琴川懷古

揖讓思虞仲絃歌憶子游學文須到魯議禮必宗周俎豆今  
如此干戈苦未休慚非割鷄手安敢話屠牛

十六日解維值北風大作復泊北門

風急江難渡春寒雪更飄濟川雖有楫跨海恨無橋使節辭  
吳近官軍去楚遙北門仍繫纜山雨夜蕭

二十一日渡江

渡江風日好掛席近扶桑萬古天為壑可流葦可杭導川思

夏后誇海託秦皇跋涉艱危地低頭愧孟光

三塔寺訪寬老

人世難行路禪房獨掩扉鶴飛知客至雨歇見龍歸天地干  
戈滿江湖故舊稀愧非韓刺史臨別更留衣

訪本覺欲長老不遇時公在南唐退居

來訪南堂老扁舟興盡還耳聾猶說法地僻漫投閒掃竹逢  
春雨開門見遠山題詩托端叟為報鬢毛斑

留別仲銘二首

南國新開士前身体上人賦詩隨鮑謝揮翰擬梁陳雨歇水  
西寺花飛剗外春相逢又相別離思滿江津

其二



方外碧雲句人間白雪謔江湖相見少塵世別離多水宿隨  
鳧雁岩棲憶薜蘿何當謀一壑老我共婆娑

送侄讓從軍武安

送爾徐州去秋風幾日程水通彭子國山擁楚王城虎帳  
旆能暖犀舡五兩輕從軍古云樂今我不勝情

其二

世亂難為別他鄉復暮秋愧予叨入幕念爾獨登舟季子裘  
空敝班生筆誤投恨無田二頃歸老石湖頭

夷白齋藁卷之七

律詩七言

秋日雜興五首

彈鋏歸來嘆薄游西風吹老黑貂裘裁詩見慚慚錢起掃榻  
相延愧隱侯擬學楚人歸種橘虛勞蜀客望牽牛五湖煙景  
依然在還許扁舟伴白鷗

其二

關山搖落雁飛遲江漢漂零有所思倦客自憐蘓季子故人  
誰問介之推露催絡緯窻間織風緝蠨蛸戶外絲獨憶慈親

臨海 陳基 著  
金華 戴良 編

念游子倚門日，數歸期

其三

江頭久客日思家，坐覺微霜上鬢華。節序又催秋後雁，風光爭發雨前花。倦游已夢莊生蝶，不飲何憂廣客蛇。恠底朝來衣袖薄，一川白露下蒹葭。

其四

一夕西風木葉飛，畫梁落月淡餘輝。銀燈夜照還家夢，金剪親裁寄遠衣。霜信早隨新雁至，素書深訝故人稀。無因為謝東曹掾，鱸熟尊香莫便歸。

其五

明河如練月娟娟，坐對清光只自憐。夜久不知沾白露，夢回

猶憶到鈞天。汝南遺老催黃憲，海內諸公想鄭虔。萬里歸來

無寸補，論文慙愧到忘年。

寄沈仲說二首

欲採芙蓉寄所思，秋江風露正離離。每因見月懷玄度，豈但看詩說項斯。溪上燕辭華屋早，槎頭魚上碧波遲。太平無事差科了，歸共原泉理釣絲。

其二

野人籬落並江濱，竹裏流泉竹外雲。好學索駝惟種樹，莫誇司馬最能文。小橋斜接漁樵路，落日爭呼雁鷺羣。獨憶詠歸亭上客，久留城府思紛紛。

次韵金上人見詒

屏跡吳淞江水頭勞君歲晚遠相求擬為葛井三生夢更作  
曹溪一宿留掛錫好依黃葉寺題詩曾到白蘋洲它年重約  
吳門道杯渡秋風不用舟

寄家兄敬德

庭幃一月違溫清兄弟終年歎別離落日有時成獨立秋江  
無處不相思雲邊白雁初傳信籬下黃花預有期甚欲卜居  
依此廓故人誰送草堂貧

次韻呂彥貞

西池風日何瀟灑公子不來誰共游漁唱樵詞時繼續湖光  
山色互沉浮經秋華屋辭飛燕隔水好花吟莫愁腸斷濯纓  
亭下路籬傍猶繫野人舟

歸燕

年、此日便知歸欲去仍依舊壘飛故國定知通碧海秋風  
應不到烏衣吳宮避火驚前夢衛幕巢營悟昔非莫笑野人  
悶巷小杏花春雨得況肥

用秋日雜興韻作游仙詩五首

飛佩飄飄入遠游青藜為杖鹿為裘采芝歌逐秦遺老辟穀  
心期漢列侯又見秋風歸乙鳥幾看春雨戰蝸牛有時濯足  
溪頭晚一曲滄浪不動鷗

其二

幽泉恠石好栖遲鍾鼎無勞入夢思每把素書閑裡讀袖將  
玄牝靜中推溪頭斫竹栽龍窟石上栽松引兔絲去、盧敖同

汗漫十洲三島與君期

其三

鵬鷄高低各自飛  
龍泉何必吐光輝  
三株樹下曾食玉  
千仞岡頭好振衣  
抱犢書存人見少  
崑崙桃熟客偷稀  
仙家不是無樓觀  
底事公孫不肯歸

其四

中宮婉女最婣娟  
何意東君不見憐  
貞潔正同秋後月  
澄清直似水中天  
每持玉節朝羣帝  
自掃丹臺揭寸虔  
臣妾自知無所覲  
願君安壽樂千年

其五

白雲深護地仙家  
千樹玕琪老歲華  
羽客穿林收桂實  
山童

和露采松花  
烟敷瑶草柔如髮  
石走蒼藤曲似蛇  
記得夜來歸路險  
翻江風浪撼秋崖

寄玉山

江上秋陰日漸多  
思君不見奈愁何  
風高澤國來鴻雁  
雨入汀洲落芰荷  
公子文章裁瑞錦  
美人衣袖剪輕羅  
畫船亦欲溪頭去  
聽唱花間緩一歌

次韵鄭遂昌奉謁范魏公祠

皇、卷服儼專祠  
生氣渾如未死時  
天下功名韓相並  
關西威烈夏人知  
英雄未盡匡君策  
父老頻瞻出牧旗  
昭代尚賢嚴祀事  
野人聊得薦江籬

白芙蓉

生嗔青女太精神玉立西風不受塵秋水洗妝朝白帝露盤  
和淚泣銅人清涵漢武池中影淡寫崔徽鏡裡真腸斷深宮  
舊時伴年々相望月溪濱

次韵錢伯行白芙蓉

帝子西游太液池一杯秋露爲君持空令越女羞容貌不與  
唐昌共本支姪婉最怜無語處風流全在半開時自移長信  
宮中去學得班娘淡畫眉

姜江即事二首簡郭義仲瞿惠夫秦文仲陸良貴兼寄

顧草堂

姜江來上樓居好滄海頭城邑新蠻郎打鼓爭起柁鮫客  
捧珠欲售人風燈照人不數點露月湧波才一輪人生會合

豈易得看劍引盃寧厭頻

其二

秋風已過菊花期笑把姜東酒一卮徘徊月色樓中滿顛倒  
天光水底移夢熟已知鰲背穩詩成偏憶虎頭癡明朝又鼓  
吳淞棹應采芙蓉寄所思

次韵仲說喜陳叔方過東林隱居二首

州府尋常數往回江湖相見重徘徊殺鷄不爲林宗至拜母  
曾期范式來烏鳥暮栖池上樹兒童晴掃竹間苔明朝又入  
城闈去一幅蒲帆帶雨開

其二

空林風日變陰晴散策相從款々行心戀白雲飛處近眼隨

孤鳥沒邊明啟期諸葛隆中卧且學龐公壟上耕老覺文人  
才力健浩歌一曲大江橫

次韵鄭遂昌喜雪二首簡白野監司

瓊英着地不沾塵玉樹臨風欲照人千古賦高梁苑調一枝  
梅冠漢宮春占年已喜無時癘祈穀何須拜水神却憶上番  
裁詔處瑶階飛絮白于銀

其二

澤國雲同氣若蒸賦成應不為憎蠅花開端木皆為瑞露滴  
金盤欲化冰甲觀影搖鳩鵲樹銀床聲斷轆轤繩懸知水部  
明于畫錯認瑶臺皓月升

送曹宗爰

爰此丹丘五色毛綵衣初剪映山桃奉親喜有銀絲繪贈別  
慙無金錯刀洲渚春深生杜若江湖波暖漲葡萄玉袞擬奏  
賢臣頌肯學山人索價高

次韵懷彥成

沙棠為槩木蘭橈別後令人瘦沈腰采葢暫歸靈越去栽苑  
重赴武陵邀醉乘蓮葉春波濶夢落蓆花夜雨飄猶記共游  
鳴玉洞滿山明月共吹簫

次韵待琦上人不至

羨君方外得詩流杖錫相從海上游白鶴一聲寥廓晚滄浪  
千頃洞庭秋鹿門未逐龐公隱蓮社忻逢慧老<sub>留</sub>流望<sub>佳</sub>人  
何不至碧雲迢遞迥添愁

次韵懷玉山

滑春泥滿郡城出門騎馬不堪行未能學道從緱母且自  
忘憂對麴生流水小池垂釣影春風深巷賣花聲停雲賦罷  
心如渴安得滄浪濯我纓

陸氏別業

窈窕西池一徑通赤闌如畫倚晴空風微燕雀飛塵外日皎  
龜魚在鏡中入谷謾夸盤復往卜隣宜住讓西東綠陰滿地  
新荷發猶勝開尊勸碧筒

寄仲說

自昔龐公少入洲偶因人事亦綢繆慈烏舊止庭前樹拱木  
新悲壟上秋雨露山空驚鳥戾江湖風急滯傳郵此心酷似

長庚月永夜相思炯不収

寄玉山

一作富豈澤有懷因風奉寄

我愛玉山佳樹林草堂終歲有餘陰巢安翡翠春雲暖窻護  
芭蕉夜雨深寶篆焚香留睡鴨綵箋行墨寫鳴禽萬竿修竹  
休教洗日平安報好音

其二

碧梧翠竹日扶疎長夏高堂可宴居雪上故人時載酒山陰  
道士每傳書蒼頭掃石安棋局稚子穿花奉板輿若見惠休  
煩問訊碧雲詩句近如何

水木清華亭小酌

柳陰門巷雨初晴蓮葉田田徧渚生濁酒且澆愁故夜名詩

米嘉榮見劉  
禹錫詩

不數米嘉榮波紋瑩  
逐微風起霞彩紅  
兼落日明水木清華  
賓主勝莫孤詩社舊時盟

仲說留陳公原余往訪之

孝子之廬何處覓  
陳公原上白雲深  
山林不受炎敲氣  
雨露能生怵惕心  
流水到城無二里  
長松出屋有千尋  
蓼莪自著多遺恨  
三復猶令泪滿襟

留宿陳公原

五月城東訪隱淪  
衡門留榻與僧隣  
長松爭宿此山鳥  
短棹獨歸何處入  
松蘿繞屋月當戶  
楊柳夾溪風滿津  
杖策從今來往熟  
草堂猿鶴未應嗔

題陳公原仲說所居壁

忽憶美人來碧山  
松桂滿林幽且閑  
論心合在羲軒上  
浪跡漫居夷惠間  
夜雨思親雲氣白  
秋風泣血土華殷  
歲寒有約從諸老  
采藥携棋日往還



夷白齋藁卷之八

律詩七言

次韵鄭有道喜王季野府判南歸二首

故人目下拜官歸  
河水南來似帶圍  
策馬遠游天府勝  
食魚偏愛錦江肥  
蠶叢故國山猶在  
望帝荒祠鳥自飛  
萬里欲將慈母祿  
芙蓉城裡製春衣

其二

海榴花放客南歸  
喬木叅雲摠十圍  
綠蟻奉親浮臘味  
黃羊充饌割秋肥  
思承閩國榮三釜  
心切灤都望六飛  
錦里它年

臨海 陳基 著  
金華 戴良 編

須報政中天風露濕朝衣

次韵伯行投贈存齋

風捲浮雲雨滅埃柳陰池館白蓮開放舟有客尋源至問字  
何人載酒來剡曲願從安道隱茂陵空歎長卿才角巾歲晚  
東林下短策逍遙步紫苔

三用韵喜季野歸

手攬繁弱接忘歸燕山射獵雪打圍馳鳴関口曉風急馬牧  
原頭春草肥鄉樹喜瞻親舍近蜀人爭候使星飛慷慨平生  
王子贛奮身叱馭肯沾衣

寄季野

積雨東皋如早秋公子不來令我愁題詩每憶許玄度賣藥

敢期韓伯休柳陰繫纜水數尺竹裡讀書風滿樓長夏林塘  
何所似浣花溪上讓西頭

次韵劉德方經歷

綺席無塵宴景光佳人宮樣學時粧座傳白雪高難和澗采  
香芹淨可湘綠水紅蓮新漕幕紫薇青瑣舊朝郎鳳凰城裡

曾聯騎一路看花到上陽

送徐勉之慈湖書院山長

兩度秋風刷羽儀一官江海尚棲遲簿書舊屈諸侯掾經術  
今為學者師天上文章回北斗人間聲教極東夷慙慙束帶  
升堂日絕學憑將已易推

送錢士能建昌知州

使君  
建昌知州能且賢青春結客五雲邊致身近得二千石事主  
已垂三十年天削匡廬開菡萏月明彭蠡浸婵娟行春處  
花如錦襦袴歌中咽管弦

送王壽翁歸閩

十日輕颺送海舟七閩南去近東甌棹頭欲學孔巢父養子  
不慙陳太丘蠓房日暖隨時采崖密風酣帶露收故園歸老  
平生願殊勝官封萬戶侯

次韵荅陳文仲二首

艤舟復向三江口載酒欣逢二仲來丘園束帛已加辟將相  
求賢無棄才柳色綠欺頭上雪桃花紅映掌中盃也應別後  
無知己從此柴門不浪開

其二

姜江繫纜已十日故舊獨逢秦與文氣壓元龍餘子服賦高  
司馬九重聞西山柱笏聊容我東閣招賢欲待君解却金貂  
換官酒賞花時節正春分

姜江雜詩二首

畫鷁東來肅旌旌郊原十日喜春晴彎弓看墮雲邊翮騎馬  
同登海上城欲向草萊詢隱德每因稼穡見民情自慙肉食  
還無補慟哭空悲漢賈生

其二

百雉上堅城鎮海頭霜風中夜肅貔貅乾坤浩蕩鯨波息井邑  
蒼茫蜃氣浮民瘼東來皆可念妖氛西望未全收將軍莫負

黃金印一鼓歸封萬戶侯

與文學古秦文仲游至正觀

西郭維舟水滿津從容鄭圃得尋真蓬萊路隔人間世桃李

花開劫後春風雨或聞鮫杼响弦歌曾與草堂隣交游不忝

羊裘輩歲晚相期跡未泯

次韵荅秦文仲郭義仲聯句見寄

客路尋常江海上春光強半雨聲中習池無酒醉山簡蓮社

有心期遠公香燼旋温婆律火茶烟輕颺石楠風不因二仲

聯詩至安得從容一笑同

次韵錢都事誠夫海上書事

左掖郎官漢客卿樓船頻涉海濤平夢騎鸞鳥鵠三山近胆落

鯨鯢一劍橫南斗星移天使下東吳兵振島移驚瀕君早決

平妖策仗節歸朝奉

聖明

送誠夫使吳門督漕事兼寄分院同幕諸公

掛帆南斗略扶桑奉使寧辭道路長轉漕復輸滄海粟勤王

爭羨紫薇郎風生漢節蛟龍避花繞吳宮雨露香同幕故人

如見問為言相憶鬢毛蒼

春日邵氏園池

寂寞園林帶夕暉昔年曾此戀芳菲柳塘水暖鴛鴦浴花徑

風酣蛺蝶飛蔓草拂衣人不翦畫梁無主燕空歸洛陽池館

閑興廢我欲春山賦采薇

酉陽雜俎娑利國有娑律樹高八九丈出娑律香

送胡宣使赴都進表

使者樓船上九天鯨波不動一帆懸表章入奏三千里海宇  
中興億萬年夏后山川仍職貢漢家勲業重安邊遙知此去  
多恩澤帽壓宮花錫讌還

送高起文歸越兼簡陳伯昂王彥強

昔年同客百花洲綉幕珠簾映綺樓歲月幾何成契濶兵戈  
相見獨綢繆開尊坐對吳山雨掛席行歸禹穴秋最憶吾宗  
陳伯子笑談真有晉風流

其二

甫里祠前憶舊盟朝食杞菊慕尊羹忘形直到葛天氏共飲  
况有申屠生古來結友貴知己亂後離別難為情西風又鼓

濤江施王行為君隻眼明

寄楊文舉經歷

會稽從事獨委迤拄笏西山秀入眉欲振家聲遵伯起不將  
文法泥宗師風塵此日淹騏驥宵漢他年見羽儀一曲桓伊  
江上笛夜深應有老龍知

寄顧仲贊

為問平生頌文學離居近日復如何秋高禹穴宦情薄雨過  
越山詩興多久客念君髭未白從君老我髮先皤鑑湖一曲  
元無恙歲晚相期載酒過

次韵謝總管送梅州判還崑山

畫船搥鼓待潮回山色留人不受催官酒醉淹羅袖濕離筵

愁聽竹枝哀秋風老憶淮南桂暑雨晴收海上埃莫學君家  
子真叟變稱名姓不歸來

次韻謝侯寄梅州判

昔日吾宗陳太丘為言梅福政偏優

陳都事元禮嘗權知崑山州事

魚鹽爭

集海市曉鷄犬不驚四社秋奕世羨君仍吏隱一壘老我欲  
歸休裁書更謝錢塘守住句難將雜佩酬

次韻謝侯書懷

使君五馬早承恩襦袴聲傳遠近村可為長生居鄭圃每因  
清嘯過蘓門香凝燕寢秋將肅露浥銀床井不渾同樂堂中  
賓客盛旋烹新茗當開尊

十一月晦與同幕諸公登南高峯因過湖山上小集二首

共上南屏第一層海風吹鬢雪鬢鬢山盤地脉來天目城抱  
江流似蔣陵近郭畫行多畏虎並湖寒盡未收冰倚闌閑說  
承平事知是昆明劫外僧

其二

落日湖頭艤畫船買魚沽酒不論錢共過天下登臨地却憶  
國家全盛年綠水映霞紅勝錦遠山凝黛淡如烟相携此夕  
干戈際一聽笙歌一慨然

正月五日省院諸公飲吳南城

每因公事少從容今日傳盃興頗濃飲散城南催畫鷁夢回  
江上聽疎鐘長風萬里飄歸雁疊浪千層駭蟄龍同幕故人  
期不至晚山回首鬱龍從

泊舟垂虹橋訪南北兩山寺候蔡都事彥文

泰伯城中不少留垂虹橋畔却維舟佛燈下照蛟龍宅蓮社  
平分雁鷺洲王事有程塵沒馬僧心無垢月涵秋多情為待  
同袍者遍倚欄杆不下樓

次韻彥文寄謝省院諸公二首

西山雪後色愈妍拄笏相看每自憐豈有異才忝廟略漫陪  
時俊列賓筵玉笙錦瑟留人醉翠葉銀花壓帽偏却笑當年  
潘騎省為誰雙鬢早皤然

其二

此日東吳接勝游風流欲與古人儔城南官酒春初熟湖上  
魚鱖晚未收才愧機雲還入洛功高絳灌重安劉謀叅帷幄

輸公輩巢父歸欵盍棹頭

次韻孟天偉郎中看潮十首

海上初看一線低須臾排突與山齊平吞百粵天為塹雄障  
全吳石作堤浩氣鯨波流似帶紛蟻角聞如鷄世間別有  
風濤險莫向平途信杖藜

其二

天風吹海怒崩奔一擲坤維勢欲翻正爾斷鰲安地軸可容  
持鼓過雷門敬濤怒激英靈氣斜日潛消壯士魂却笑故都  
閑士女冶游歸去近黃昏

其三

江源來自歙山幽潮勢憑陵江上頭紫蓋黃旗收王氣素車

白馬踏清秋至今放老猶興慨自古忠臣不自謀渺々雲邊  
孤鳥沒豈知人世有恩仇

其四

八月十八怒潮生猛于突騎白于繒風掀雲島神龍化雷吼  
天門赤鯉騰樓船入海仙難問鷓草浮江史可徵揚旗勇踏  
濤頭去除却吳兒勢不能

其五

千古英雄恨未銷海風吹上浙江潮怒驅貔虎誰能敵雄壓  
鯤鯢不敢驕踏浪掀旗空遠逐臨流捐袂若為招扁舟浩蕩  
身先退輸與陶漁共采樵

其六

雪擁潮頭萬疊多秋風颯颯吼靈鼉直疑碧海金鰲擲復恐  
陰山鉄騎過勾踐功名今寂寞麻姑消息近如何憑君更闡  
神明力翻却蓬萊弱水波

其七

秋風醜酒待潮生渾似羅江弔屈平地下有靈驅海若人間  
無主聽阿衡恩仇莫辨君親分忠佞難逃今古評寂寞長洲  
走麋鹿不堪明月權歌聲

其八

千古東南詫海潮摩娑強弩未全消氣乘日月分盈縮聲振  
山河欲動搖擊楫中流譎慷慨倚闌斜日髮飄蕭錢塘官酒  
秋仍綠更與靈胥酹一瓢



其九

風起城南思慘悽獨携長劍倚長堤未談秋水驚河伯先跨  
濤江掣海鯢力障狂瀾扶砥柱手揮妖祲豁坤觀東流不盡  
凭欄意長笑歸來日已西

其十

每因潮候卜灾祥百歲潮頭百尺強千犀怒發鯨鯢吼兩乳  
峰開龍鳳翔乘槎直欲訪河鼓懸水不須誇呂梁徙倚蒼亭  
吾已老海風吹面髮蒼浪

夷白齋藁卷之九

臨海 陳基 著

金華 戴良 編

律詩七言

次韵高元善郎中見寄律詩二首

憶昔同叅雁鷺羣每將騷雅佐人文詩成嶰谷鳴風竹琴罷  
瀟湘夢水雲南浦離情波浩渺北山歸思日紛紜可憐滿地  
秋如錦只有黃花好寄君

其二

詩酒相從歲已賒幽居人擬地仙家別來九陌風塵外望斷  
五湖烟水涯書就蜀牋文勝錦宴歸漢署帽簪花七年或遂

投竿志著我秋江倚釣槎

元善嘗俾予記其所居松雲巢繼辱以詩為謝因次韵  
答之

蕭々素髮魯東家豈有文章競綵霞  
高世羨君欺太白寓言  
客我詫南華神栖五老仙為侶夢繞三珠玉作葩  
為問松雪  
在何許此中非近亦非賒

舟中讀武帝紀

高皇馬上爭天下丞相養民方致賢  
帝業不魯階尺土免孫  
何以算緡錢長生始誤神仙術  
巫蟲終虧父子天可惜春秋  
二三策獨留龜鑑後人知  
次韵葉德新江上觀兵

一水朝宗控百川著鞭此日許誰先  
手麾貔虎風生海膽落  
鯨鯢劍倚天潮汐怒隨龍變化雲山高作鳳飛騫  
元戎一鼓  
收南服持奉吾  
君億萬年

三塔寺

江湖四月半陰雨山寺今朝方喜晴  
杖錫入城非避客琅玕  
繞屋正啼鶯寶樹著花當座落蒼龍分水入厨清  
為留一榻  
雲深處共話三生石上盟

過本覺寺懷欲了庵長老

三過堂前歲屢過阿師行道近如何  
僧中此日如公少方外  
向來名輩多一室寶烟飄艾納六時花雨落芬陀  
寺門盡掩

如廷尉滿地松陰覆雀羅

三 寄頌高士

每憶吳門顧辟疆舊開池館帶滄浪綠波芳草盟鷗鷺錦瑟  
玉笙悲鳳凰座客詩成誰最好故人酒後我多狂扁舟來往  
鷓湖上老到猶能賦草堂

寄鄭明德

牢落乾坤獨鄭虔丘園風雨故依然腹藏元晏書千卷身受  
滕君宅一屋雲卧蝶迷遺世夢林居鶴避煮茶烟楊雄自昔  
多奇字老我猶乘載酒船

過三塔灣留題

綠水灣頭維畫舫白雲堆裡訪禪林上方樓閣丹青古下界

蛟龍窟宅深五月鶯聲山寂一簾雨氣竹森地靈不受  
昆明劫留得長松總十尋

再用韵荅鄭先生

鍊石無心補漏天幽棲環堵獨蕭然松蘿雨後生朝菌藜藿  
年深沒故屢足濯滄浪池上水衣薰豕虱竇中煙林居似厭  
城南淺重擬歸來谷口舡

用韵荅沈仲說

結客東吳憶盛年多君燕處每超然千金昔棄朱公產一畝  
令無許子屢濯足洞庭天拍水掛帆笠澤柳含烟相逢一笑  
榮枯外猶勝虛乘訪戴船

寄錢成夫員外

莊子濡需者豕豨也擇蔬自以為廣宮大園奎蹄曲隈乳間股脚自以為安室利處不知屠者一旦鼓臂市草捺烟火而已與豕俱焦也

千里從軍客楚州故人吳下獨維舟  
關山別後鄉書少淮海平來相業優  
龍虎帳中勞遠望鳳凰池上莫多留  
平生愛殺韓司馬老我何妨讓一頭

寄蔡彥文都事

蔡子才多病亦多尺書千里憫蹉跎  
同游暫阻紅蓮幕相寄慙無紫玉珂  
交義人推管鮑新詩字擬陰何  
淮南賓客知君少未許淹留桂樹歌

九日

百年鼎鼎成何事九日匆匆不在家  
莫遣秋風吹短帽羞將白髮對黃花  
詩因排悶聊時賦酒為銷愁爾謾賒  
欲向楚城高處望不堪離思滿天涯

九日簡同幕諸公兼寄吳中兄弟

官舍蕭條淮水濱一樽九日謾相親  
那知黃菊籬邊客不笑紫薇花下人  
秋鬢白嗔烏帽側衰顏紅愛綠醅新  
中吳兄弟應相憶悵憶秋風北望頻

阻風仲舉舟中小酌

千里旌旗映日紅一天秋雨忽濛濛  
鄉書未有東南信客路不堪西北風  
泛水芙蓉依綉幕背人鴻雁避雕弓  
淮南酒薄猶堪飲時復相逢共一中

墻角種菊三四本頗可觀

一官迢遞客天涯頗覺秋來興味佳  
有菊便同陶令宅無錢誰笑杜陵家  
幽叢密護霜前葉嫩蕊輕含雨後花  
賴有新詩

魏志徐邈傳帝問曰願復中聖人否邈曰臣不能自懲時復一中之帝大笑

相料理淮南酒薄不堪賒  
淮陰雜詩五首

千里相逢淮海濱一枝誰寄嶺梅春  
老來易感山陽笛年少  
休輕跨下人失侶雁如秦  
逐客畏寒花似楚遺民每過百戰  
瘡痍地立馬西風為損神

其二

足馬淮陰秋復冬每尋陳迹不匆匆  
下鄉賓客貧無行南郭  
先生老病聾漢室功高羞絳灌射陽門  
貴擬騫弓至今七尺  
城東墓一酌寒泉感慨中

其三

落木蕭蕭雁渡河西風嫋嫋水增波  
甘羅營裡秋聲急韓信

城頭月色多淮市有魚聊可食楚山無  
桂不須歌古今無限  
關心事付與當年春夢婆

其四

江左妖氛掃未清山東豺虎又縱橫  
欲令斥堠收烽火須挽  
天河洗甲兵老馬獨嘶時北望賓鴻相  
喚盡南征腐儒愧乏  
匡時術搔首風前百感生

其五

兵火燒殘百草根人烟無復萬家村  
黃金莫鑄忠臣骨白馬  
空招帝子魂易水有情人已逝睢陽無  
援事難論何當親斬  
樓蘭首仗節歸一朝報

至尊

寄吳中分幕諸同志

故人入幕蘓臺上老我從軍楚澤隈  
江海十年同聽雨關山千里獨持盃  
邊書到日多憑雁驛使來時好奇梅  
慙愧紫紫薇花伴侶却依南斗望三台

寒菊遍開可喜

謾向隣翁覓菊栽晚花踈藥一時開  
寒欺楚澤三秋露暖透山陽十月雷  
多事狂蜂忙采去惱人輕蝶競飛來  
蕭齋對此渾無賴莫恠頻傾濁酒杯

寄唐伯剛斷事官

寒菊花開照眼新客窓風物未全貧  
旋賒陶令尊中酒敢比羲皇世上人  
官事有程仍突傲鄉書無便任因循  
故人十月

錢塘路誰謂城西探小春

寄陳庶子叅軍兼簡饒介之郎中

楚天漠漠水迢迢千里懷人不自聊  
帷幄喜聞延曲逆行間窈忝事嫖姚  
江空不采芙蓉寄歲月惟歌桂樹招  
華蓋仙翁如見問為言驛肉近多銷

寄謝從義叅軍兼簡唐伯剛斷事

江左風流謝使君賦詩渾似鮑叅軍  
一麾舊作錢塘守萬里新空與北羣  
官柳枝垂楚岸賓鴻介入吳雲題書  
為報西樞彥十月山陽尚有蚊

寄周信夫王叔明二長史

帷幄賢勞夙夜賓古今儒律兩彬彬  
漢庭重厚唯斯老江左

寧馨尚九入霜落吳門天接水雷鳴楚澤雨連旬黃梁猶熟  
淮魚白南國秋風不愛尊

寄錢伯行檢校葉得新椽史

少日錢君同汗漫中年葉掾共翱翔北窓坐傲羲皇世南省  
行陪漢署郎笠澤芙蓉秋萬頃楚天鴻雁日千行幼與若許  
歸岩望便結茅齋野水傍

寄沈達卿陳子方二理問

二妙相看如弟兄白鷗波上忝同盟老來轉覺襟期好別後  
令人鄙吝生萬里貔貅方北戍九秋鴻雁盡南征洞庭橘熟  
香醪嫩心渴應憐阮步兵

和周太常寄貢秘卿詩五首

兩翁臺門迴翔日千載文章全盛時太史世家羣彥服中郎  
筆法九重知西清近識天顏喜南海遙知漢節持經緯論詩  
深有待未容採藥問安期

其二

二老故鄉江漢東兩家文獻夙相同吳關望闕聯歸轡閩海  
勤王謝轉蓬禮秩漢郊修雍時道宗魯國仰龜蒙共將千古  
文章印力障狂瀾洗陋風

其三

世路間關嘆百離斯文誰與挈網維近聞東觀除書下未覺  
南冠寵數卑政倚叔孫興禮讓終知汲黯繫安危漢廷獻納  
須公等一代儀型奕世垂

其四

詞源變化共神謀一洗人間虺與蜉老來頗厭干戈盛此去  
定分宵旰憂館閣經傳劉向業關河人望李膺舟白首自慙  
無寸補漫隨行伍事防秋

其五

平生筆諫柳公權鶴髮還朝各皓然  
檳楠棟梁收恐後麒麟  
鸞鳳觀爭先太常議禮推王肅金匱細書待馬遷慙愧當年  
秦逐客只憑魂夢到鈞天

夷白齋藁卷之十

臨海

陳基

著

金華

戴良

編

律詩七言

送彌陀保世衡聞人德機二解元赴省試

一舉收功古戰場計偕同上紫微傍手攀明月分仙桂足躡

青雲見

玉皇高第世推唐甲乙直言人比漢賢良明年畫錦歸來日

一色恩袍雨露香

送丁太初嘉常二貢士赴省試

兩賢携手上南宮掛席關河得便風欲把姓名題甲乙須將



文字决雌雄一經昔向江東學萬里今看冀北空遙想殿頭  
臚唱畢五雲佳氣鬱葱葱

送牛述善郎中還朝

萬柳亭邊一酒杯馬蹄踏雪上金臺

天門星應郎官至海岱春隨使節回宣室復陪前席問上林  
曾厭衆芳開諸公若話東南事楚澤無冰有草萊

自淮安使江南舟次通州寄同幕諸公

頻年共入嫖姚幕此日先乘使者舟海色曉迎龍虎節天光  
寒動鸛鷖裘山川咫尺分吳楚河漢尋常近斗牛南鎖堰頭  
官柳樹春風相約繫驂騶

其二

狼山夕色碧崔嵬秋半從軍臘底回壽酒欲歸吳下獻使星  
新自楚州來江城見月思聯句驛路逢春擬寄梅只待年頭  
便相會賸拌懷抱為君開

由通州渡江

白首輕拋種樹書謾陪帷幄強馳驅半竿紅日辭淮甸一席  
清風上海虞欲向中流安砥柱恨無長劍斬鯨魚晚投言子  
祠前路坐聽弦誦意有餘

福山港口待潮

吳山如畫楚江平稍得孤帆半日程潮落沙頭纔一尺舟停  
江口復三更時清不識風波險世亂方知性命輕坐擁貂裘  
待明發臨流空愧魯連生

癸卯二月十一日官軍發吳門

去年移戍秋將半今歲渡江春正分晉國偏裨歸宿將漢庭  
旗鼓屬元勳戈船十萬盡犀弩鐵騎三千皆虎賁却笑高陽  
老狂客謾憑口舌下齊軍

二十日福山港寄省院諸友 張思廉陳惟允

漢將西征肅羽儀簡書日有程期東溟潮上犀船發南斗  
星橫虎節移青入楚封山點白添吳鏡雪絲美人宴罷  
芙蓉署一色銀花翠壓枝

舟中看虞山有感 元初遷之某云此山為孫士德被擒而作某  
別有記甚詳孤忠罵寇二指斥之詞也

一望虞山一悵然楚公曾此將樓船間關百戰捐軀地慷慨  
孤忠罵寇年填海欲銜精衛石驅狼頭假祖龍鞭至今父老

猶垂淚花落春城泣杜鵑

二十一日狼山口觀兵

官軍野次狼山口鑣騎犀船盡虎貙杼軸萬家供餽餉旌旗  
千里亘江湖睽行擬伏諸侯將面縛行申兩觀誅淮海父兄  
爭鼓舞將軍恐是漢金吾

遊狼山寺三首

天風吹上狼山頂看見扶桑日出初淮海北來吞兩楚江湖  
南去控三吳珠宮貝闕馮夷宅古宅蒼藤帝釋居為訪祖龍  
鞭石處拇窠履迹定何如

其二

鯨波渺々四無涯閻闔天低水可排一塔倚空凌浩劫兩潮

爭港撼層崖半晴半雨龍歸海衝煖衝寒雁度淮安得乞身  
依佛日遍尋靈迹訪齊諧

其三

五峯相頷若技撐力障狂瀾與海爭下界人居龍伯國上方  
僧住梵王城佛庖香訝山無蕨公膳腥嫌市有蝗王事匆匆  
騎馬去落花啼鳥總閑情

寄朱佑之經歷

老我思歸卧紫霞多君能賦吐天葩十年跡忝嫖姚幕千里  
身輕博望槎楚甸風高塵沒馬蘇堤春暖柳藏鴉何時共喚  
西湖酒爛醉孤山處士家

寄張長年都事

南京郎官也好竒文章欲以古為師獨來楚澤從戎地長憶  
吳門並馬時二月西湖春爛熳百年北海酒淋漓此心頗與  
君同調一曲荷花歲晚期

平西二十六日自通州赴淮安

海虞城外經旬泊狼五山前信宿留六計西來思撓楚三軍  
左袒顧安劉龍光夜吐雌雄劍魚尾朝啣甲乙舟今日南風  
催掛席浪花飛雪打船頭

寄夏仲信太守韓壁翁經歷姚伯升照磨

淮海從征道路長美人千里遙相望無錢太守客盈座好事  
郎官書滿床花氣曉迷三竺寺柳陰晴繫六橋航懸知小隊  
行春處露濕馬蹄芳草香

高郵湖夜行天明過寶應

秦郵城外望安宜帆飽風輕以馬馳三十六湖春欲暮一千餘里客來時背人鴻雁歸何急近海魚鹽利不貲農事及時兵有律便無神寶爾何疑

二十五日至淮安城南十五里述懷

欲向江湖覓釣磯此心長與事相違添丁未辨羅全盧計算老空知伯玉非淮海草肥宛地馬楚州人着漢官衣將軍奏罷平西捷還許山翁倒戴歸

到南鎖寄分省司官

故人近在淮陰郡未見先馳尺素書知己每慚齊鮑叔論文只許漢相如便須為我占烏鵲不用呼童烹鯉魚自笑近新

頭盡白強顏騎馬事穰苴

三月十五日由淮安使江南別同官

三月淮南柳色深相看去住兩關心鶯因求友聲逾切雁為離羣思不禁芳草將春青楚甸暮雲含兩碧吳岑遂初爾有平生賦何事驅馳雪滿簪

三月二十五日由吳門使杭

昔年成浙今移楚新歲趨吳復使杭南北此身皆客計東西何處是吾鄉野花送別紛，落官柳縈愁故，長謾道五湖春色好為誰銷得鬢邊霜

三月四日夏仲信太守邀遊飛來峯和頌子徑照磨

韻

千岩萬壑响奔雷分得西天小朵来雲壑滿林山韞玉松陰  
繞寺榻生苔烟霞遠跡何當遂猿鶴留人未擬回今日使君  
蘇白輩醉歸城路近三台

其二

飛蓋今朝天竺寺泛舟昨日小蓬萊五馬旆旌三月暮四山  
烟霧一時開蒼藤古木藏靈鷲絕壑奔流吼怒雷使節行  
趨兩楚碧雲回首鬱崔嵬

分省諸公邀西湖宴集

湖上相逢宴屢開紫微花下約同來水光釀綠凝訶袖山色  
分青入酒盃蛺蝶影隨羅扇動琵琶聲逐畫船回獨憐英骨  
埋芳草南拱枝頭蜀鳥哀

閏三月七日過三塔寺留別寬老

輶車來往每匆匆此夕相看一笑同軒外竹添千箇綠樹頭  
花吐萬年紅茶烹日鑄龍分水榻近雲巢鶴語風梳子雨肥  
蕉葉大恨無佳句續韓公

閏三月七日泊舟三塔寺新仲銘長老出城相看

我愛水西新仲銘道空諸友說無生出城看客意最古把筆  
賦詩才更清杜若洲邊春欲暮鴛鴦湖上雨初晴千載間閑  
重相見深杯寧惜為君傾

吳江

鈎雪灘頭斲艤舟晴江千尺飲長流吐吞日月天無際出落  
魚龍地欲浮濟世誰當扶砥柱乞身吾盍老滄洲裁書為問

天隨子祀菊荒來又幾秋  
初八日阻風宿吳江無礙寺  
龍伯留人斲艤舟偶過西寺得詩流僧窻烟景五湖晚澤國  
雨聲三月秋我欲棄官來釣雪誰能作賦共登樓此身何日  
都無礙共向毗羅性海遊

西寺送信道元長老還吳興楊墳寺

翔鳳山前水亂流垂虹亭畔月如鈎賦詩不數湯休輩入社  
獨慙元亮儔夜雨西窻重剪燭春風南浦共維舟他年一榻  
封禺下笑傲能容此客否

次韵謝元懿移居後見寄

羨君早學公孫龍堅白因時辨異同狡兔窟多寧遠害鷓鴣

枝小不禁風山林夢寐隨麋鹿賓主情懷類駉蛩賴有平生  
周閣老時分祿餉而翁

其二

手種新松引舊蘿人間得失等南柯粟儲已罄琴書在家具  
不如車兩多短屐肯嫌苔徑滑高軒時向席門過新詩惠我  
皆珠玉報乏瓊瑤奈若何

夷白齋藁卷之十一

臨海 陳基 著

金華 戴良 編

長律

送頌用之知階州

磊落階州尹風流淮海人  
剖符新出牧觀國早充賓  
愷悌臨民意賢勞報主身  
威儀何棣，辭氣復恂，  
河水遙通漢天文迥入秦  
度關鷄唱曉行露斗移春  
鸚鵡如人巧蒲萄勝酒醇  
王遵方叱馭張翰肯思尊  
斧戾憂黎庶銓衡重守臣  
致身須老鍊報政莫逡巡

送謝參軍十八韵

惟幄掄材日君侯許國年三吳脩職供六合倚蕃宣絳灌功  
難並龔黃政獨賢金湯新設險琴瑟重張弦借寇心雖切安  
劉策最全肯甘周顛泣勇著祖生鞭殺氣連區夏妖氛亘海  
壖丹心期捧日赤手欲擎天淶愛蘇堤柳紅依庾幕蓮此行  
真特達臨別更流連夜感西湖席春迴震澤船輕風催解纜  
落日慘離筵浩蕩十年客哀遲百慮牽眼青慚阮籍頭白事  
孫堅迹忝樞機近恩沾雨露偏委身同草莽報主乏涖涓知  
已青雲上忘形太古前願君容一壑隨分老林泉

安童右丞挽詩

我昔游京邑公方振羽儀諫垣推謇諤經幄重論思國器魁  
羣彥風猷竦百司讜言縱逆物直道不容私落<sub>之</sub>匡君略

桓<sub>子</sub>輔世姿太阿元自利白璧本無疵河濱圖身禦嵩顛誓  
手支此心恭日月沒齒却磷緇民亦多勞只天胡不慙遺扶  
顛摧柱石謀國毀著龜垂死猶憂主平生不負知顧茲忠  
孝訓與爾子孫期謚法原終始恩光邁等夷哀榮增感慨存  
漁繫安危墓木秋應拱風塵日未哀傷心行道者和淚讀豐  
碑

卽同知挽詩

循吏古稀有斯人今亦止魂應歸海岱身已葬桐鄉官近二  
千石年幾八十霜秋風悲拱木愛日在甘棠賓客羊裘輩兒  
孫王謝郎史臣司衮鉞宜與發幽光

聯句



惟幄掄材日君侯許國年三吳脩職供六合倚蕃宣絳灌功  
難並龔黃政獨賢金湯新設險琴瑟重張弦借寇心雖切安  
劉策最全肯甘周顛泣勇著祖生鞭殺氣連區夏妖氛亘海  
壖丹心期捧日赤手欲擎天淶愛蘇堤柳紅依庾幕蓮此行  
真特達臨別更流連夜感西湖席春迴震澤船輕風催解纜  
落日慘離筵浩蕩十年客良遲百慮牽眼青慚阮籍頭白事  
孫堅迹忝樞機近恩沾雨露偏委身同草莽報主乏涖涓知  
已青雲上忘形太古前願君容一壑隨分老林泉

安童右丞挽詩

我昔游京邑公方振羽儀諫垣推謇諤經幄重論思國器魁  
羣彥風猷竦百司讜言縱逆物直道不容私落<sub>之</sub>匡君略

次韻垂以楊伯舟惜和

何年伐石駕危橋鯨浪翻江白雨飄勢控三吳虹倒影氣吞七  
澤水道潮重淵有怪犀難照蔓草无名火不燒伯國黃金  
闕鑄像王門白玉想為標功成海上身先退贈熟江東興  
可邀歲月幾何流水逝山川如舊古人遥鴻飛矧微何由策  
鶴玄樊籠不可招浩蕩扁舟歸鑑曲窳寥方丈似中條越人  
尚以雞為十楚俗相傳鵬類鷗自把文章論倚伏敢將交  
態較溱洧五湖煙景隨時異萬里風洋觸處漂却憶春  
輝樓上去為君裁取玉為簫

聯句

至正十一年正月一日遂昌鄭元祐龍門僧良琦臨海  
陳基聯句送匡廬道士于彥成歸越兼柬蕭靖復廬

益脩

歲朝逢王春雨雪暗吳下行人當明發祐別袂恹莫把飄飄  
賀監舟基蹠躩靈運馬山驛梅始繁琦溪船浪仍打行紆莊  
烏唵祐去結遠公社禹穴紉奧編基蘭亭集羣雅神運鶴覽  
朗風標鵝經寫祐隻鳧繼避躅千秋祝純嘏基信憑回潮尾  
春融枯樟髀祐越臺瞰蓬瀛胥濤駕龕楮基白戰隱鞍甲綠  
醕酣觥竿祐智囊倒精悍詞鋒發侈哆琦蕭臺多神仙廬教  
本靜者道樞混溟滓語穿脫誤禿祐但令冠峨基肯羨綬若  
若滄海等稊米黃金真土苴接羅或露髮短褐不掩蹠捷若

矢離弦勇如金躍冶青雲步伊始白雪和殊寡基土膏動句  
萌春情滿原野琦桂樹訶詎已柳枝折難舍基別夢梁月墮  
清談松風灑琦蓬藿既可居蘆菴自堪鮓基望基玉山阿來  
期卜燈地祐

絕句

高郵湖

春深湖水漾汀洲耿七公祠在上頭蒲帆十幅東風順明日  
還君到楚丘

次韻吳江道中

兩袖清風身欲飄杖藜隨月步長橋仙人有約歸林屋共飲  
甘泉聽玉簫

次韵林平道中

仗策從軍事戰征簡書人畏漢章程去年此日山前路十萬  
妖兵一鼓平

題柯博學士畫竹

羣玉仙人佩水蒼金莖分露服琳琅曾將天上昭華瑄吹作  
飛龍奉玉皇

題宋陵梅竹圖

自從廷論主和親毛穎陶泓入御頻數葉寒梢吹欲折爭教  
扶起北枝春

題摩癢馬圖

將軍日過南山射虎原頭暮未還獨繫驂駒枯樹下秋風

摩癢箭瘢班

題寒林讀書圖

側耳幽泉入窈冥近人嘉樹鬱空清掛冠擬事陶貞白學注  
神農本草經

題畫馬圖

殷郎妙寫三神駿髣髴一嘶風滿林如此權奇世常有可能  
當價不論金

題倪元鎮畫

西池亭館帶芙蓉萬水蒼茫一萬重此日畫圖看不足滿簾  
秋雨夢吳淞

次韵劉德方經歷

白露池塘點翠荷  
越羅衣袖覺秋多  
梨園弟子今華髮  
倡得開元供奉歌

次韵送彦成玉山

石路穿雲海湧山  
朝來爽氣有無間  
獨憐禹穴清狂客  
買得扁舟載酒還

其二

著屐溪頭日已過  
驪駒歌斷奈君何  
虎丘山下東流水  
爭似春愁一半多

戲和玉山韵

西子湖邊蘇小宅  
錦官城裡薛濤家  
來時豈冠初含蕊  
別後菖蒲又著花

其二

媿我風情如柳絮  
多君才思似春江  
無端養得秦吉了  
日日呼人向碧窓

東林蘭若題謝仲和墨竹

謝家公子晉風流  
寫竹渾如黃澹游  
道人相對東林下  
滿室清飈生素秋

其二

踈篁翠著滄洲雨  
老樹青含太古春  
想見解衣盤薄羸  
為渠爛熳寫天真

題蒲柳鷺鷥圖

高柳風葉繁  
短蒲春露薄  
為問出谷心  
何如在原樂

題畫山茶折枝

江梅與水仙難兄復難弟一節傲冰霜無心媚桃李

題月季花折枝

瑞葉時時綠靈葩月月紅天非私雨露人自競春功

臨平

氛霧不見人晨曦忽生嶺倉卒過臨平舟眠猶未醒

騷

悼鶴文并

世稱浮丘伯善相鶴浮丘伯相雀如伯樂之相馬所  
貴乎良馬者不以其能千里乎而雀固仙者之驥一  
舉而千里者也然世無浮丘伯而鶴之能千里者豈

少哉彼羅而致之以光耳目之翫者雖復寵之乘軒  
食以厚祿亦徒取其羽毛之貞白音聲之高遠舉止  
之馴雅非以其能千里也甚者鍛冲天之翮辱青雲  
之姿徬徨蹙蹙使與鷄鶩爭稻稷競腥膻以支朝夕  
之困而燕雀從旁鼓翼且得以俾倪而竊笑之矣是  
以神銷色沮愀惘低摧秋高露零引吭長嘆若將求  
哀于人而卒無知其意者嗚呼夫有仙驥之材千里  
之志縱世無浮丘伯亦豈無好事者如支道林矜其  
懊惋養其羽翼以遂其軒舉乎然而不少隱忍卒以  
憤懣失職偃蹇無膠悒怏怏不樂而化悲夫故余為  
文章以悼之雖不敢自附上皇樵人若乃繾綣悲傷

愍其不幸則亦庶幾勒銘之遺意云爾其辭曰  
吁嗟雀兮孰使有千里之質而不翔寥廓乎彼天鳥獲貫乎  
哲族氏兮而爾鷓不追夫增繳乎汨鷄鷺使旅飲食兮孰若  
集華池而游于甸也指幽樊媒以萃止兮孰若扶飄風而薄  
雲漢也浮丘邈其弗頌兮信斯生之不淑彼支公或可幸而  
覲兮頌猶馬不屑此汙瀆載營魄遭其道于溟漠兮秉明心  
逝將焉告山川紆曲兮天地圜方爾神游兮紛翩乎帝鄉  
濁世多患兮天上差樂御飛仙而上下兮紛鳳鶩而龍躍嗟  
爾雀兮孰從而訊之生亦曷喜兮死亦曷悲苟庶乎其一致  
兮則余又奚愴怛而歎歎

代弔岳飛文

亘天地而長存兮惟孝與忠參日月以齊明兮惟德與功昔  
有宋之多賢兮禮彬彬其在魯彼絳灌或弗喻乎文兮隨與  
陸豈良于用武何夫子之英傑兮文與武其並施篤忠孝以  
為輿兮載功德以驅馳當建炎之播越兮遵典午之遺轍豈  
將相之無其人兮夫子獨臨危而激烈友萇弘于千載兮偕  
吳胥而上下倚嫖姚豈獨方畧兮矧孫吳又長于用寡使君  
王而不忘嘗胆兮則功業豈卑于范蠡使左右而不信夫讒  
賊兮則斯仇豈容湏臾而緩死彼便巧固不足誅兮此廷臣  
豈皆不淑壞長城曾不少救兮棄神州逝將誰復嗚呼自古  
皆有死兮余獨于夫子而永傷谷可變而為陵兮海可化而  
為桑炳父子之昭兮蓋彌久而有耿光吊遺墳于西河兮

作新廟于北山踞陳辭而敬酌兮凜生氣之桓

弔徐節孝先生文

歲行聿其將暮兮弭余節于淮之陰出郭門而望九原兮羗  
獨慕夫子而悲唸吾嘗竊觀乎聖門兮無服膺于魯氏後若  
人蓋千載兮夫子寔躬行乎踐履嗟事親莫先養志兮夫子  
一何其恂々謂事死有甚事生兮夫子蓋已質之于鬼神充  
百行于一原兮其所養者正直炳文質之彬々兮信有言者  
有德昔有采之重熙兮曰惟以孝為治聖人作而萬物觀兮  
鳳鳥豈得高飛而遠逝紛束帛又加璧兮眷側席于丘園育  
菁莪沒齒鄉校兮禮彌至而道彌尊少余粵在束髮兮知嘉  
言之是服謂君子之思孰先于善兮斯奉盃而執玉歲冉々

其不與兮汨余未知所之叱其馭于九坂兮奈何不畏隕踣  
而顛躋奉遺體而過夫子之里兮慄淵深而冰薄反余躬其  
或庶幾兮尚憐々于先覺率寮友而拜遺墓兮羞秋菊而薦  
寒泉仰泰山而企喬岳兮誓有永而無諉

清暉樓辭并序

吳興沈仲說父學古有文事大母無間言所居東林  
有樓曰清暉金華王君子充記之以文予因推其本  
志而為之辭云

東林兮北渚有樓兮式宴以處察不獲兮丹不塗栢園不過  
規兮方以為架環之兮樹竹繚之兮蘭杜白雲兮在上原泉  
兮在下仰挾烟月兮俯臨風雨山之峯兮水之浦綠宛々兮

清暉兮其承事入事有親兮出游有所昏兮旦寒兮暑温  
清遠兮時以序原有杭兮隄有徐軒有麇兮肴有玗汲清流  
兮甘如乳塞幽芳兮菲々龍裝予鳴琴兮酌樂清暉兮受天之佑

歸雀解并序

吳沈仲子以所蓄雙鶴喜鳴者遺其媼魯施氏至則  
喑不類常時且相頷低徊若悵焉有懷舊之意魯施  
氏閱之復以歸仲子則忻然鳴且舞不輟赤城山樵  
見而感之乃為作歸雀解

客有羽衣玄裳過余而言曰吾胎化之屬也家于青田毓貞  
姿于浮曠挺孤標于飛翰因金氣而乘火精兮稟陽德而長  
年世宗長于羽族兮躬服馭于神仙接帝子之蜺旌乘大夫

之華軒參鸞鷁于阿閣兮造鵷鷺于九天挾浮雲而凌飛霞  
兮游青都而朝上玄頽嘗脫飛彈于桂陽撫故鄉于華表橫  
江湖而徘徊望青冥之縹渺渴想瑤池之泉饑憶瑤田之草  
金風颯而知秋玉露零而知曉感蕙帳之夜空悵昆丘之路  
杳美荀瓌之純孝樂蘇耽之好道托軒墀以並萃期歲寒以  
相保矧儀侔金石之固契協芝蘭之深始不間于青蠅兮終  
靡惑于孔壬念懿親于疇昔修雅好于方今厚使者以將令  
遺公子以好音予自慚于微羽彼過重于兼金于是影逢々  
于中路情憐々于故林目瞳々以乍晞雲屏々而載陰意欲  
往而復止目反頷而哀吟眷碧沼以嘿々眄翠竹以喑々豈  
伊人之不淑頽睽離之莫任幸幡然而見惻獲遂予之初願



覽歸塗而聯翩尋前盟以繾綣慕求友之鷺，龍衣于飛之燕  
燕將翡翠以戲苔偕鳳鳥以翔甸豈汨沒于鷄羣終羽儀于  
宵漢惟吾子之好修秉中心之孔嘉假清言以達志庶察予  
之匪他諒去就之不苟誓卒歲以婆娑予方俛焉以莊聽客  
忽不知其所之但聞九臯之餘音如助予之齋咨



卷之五